



襪線集序



往年大河衛百戶史彙孟招

既致仕嘗自為生輓詩工部

侍郎楊公貫之屬和于予曰

差意也彙既得羣和并徵諾

銘收彙刻為一帙以藏其子平
戶誠後取之平生所自為詩
曰後線集者別刻為帙產
蓋及見之及產以壽終其
孫慶奉遺集上京師因去

同年友知廣信府葉公業禮
請予序曰侯之治命也予方念
貫之沒又重業禮請故不為辭
噫侯之自為輓詩也固將閱
空壤齊彭殤維其身有不

邱至其所為詩則眷念徃復
若不能忘情於傳不傳之間
是必有見也昔馬援有馬革
之志王粲章有豹皮之喻皆以
身殉名者

今天下一家兵甲不試濶幕之
士多舍之矣而談書詩者又
疾之所素不能而風好者雖於
此取之焉何傷觀疾之詩類以
和易冲泊非不能肝雕腎琢

編舌螫吻以求必異于衆而為
有不屬焉者殆曰吾以自適而
非以自苦也此維不忘乎名而
之非汲以殉名也然予又觀
其見傷麥而歎閉黠虜死

喜皆見于詩以其身雖早退
而之非湯焉忘世者美必歎
甚死灰槁木目不能一丁舌亦
能三寸而後為無意乎名也
以固矣誰之人若金廣修宗

淵最有名而與侯為忘年友且
序其詩官于淮者為今平江
伯陳公志堅最顯而侯實其
祖恭襄公所奏得游黌校以
是起聲譽垂與今公相倡和

此其人又可知也侯諱傑字
孟哲別號致菴年二十而隱
官云十三而謝事八十二而卒
葬于淮之東郊集名後綴
蓋其不自喻也

弘治五年壬子春二月四日
賜進士出身太常寺卿兼
翰林院侍講學士

經筵官兼修

國史長沙李東陽序



韞線集序

大河衛致仕戶侯吳興史孟哲
甫選所作古選律詩絕句凡若
千首題曰韞線集謙乎謙者也
間以示予予得而讀之遍咀味
數四喟然歎曰文武兼資從古
為難三代以還文武途分有文



事者未必能武武者未必文詩
又文之精約者也非淹貫載籍
涵養有得奚能造其壺奧近世
後事於文致位顯榮者多矣或
沒齒泯然不以詩文名况武臣
乎為武臣者閑習武事雄偉見
稱於時者或寡矣求其兼以詩

鳴如史公者可多得乎公資稟
粹而才識明自少嗜學即知向
方允肆力於詩老益工緻其忠
君愛親行已交友教子警俗觸物
感興悉於詩焉發之取材於六
經四子百氏之編音律一以唐
諸家為宗而有所悟入故其詩

有和平者有雄渾者有奇險峻
厲者有古雅者有宏麗纖濃者
忠厚之情幽深之思蕭散之趣
溢於言表可謂善鳴者哉或曰
公所作無慮千篇所選止此其
亦有所未合不自足耶噫是何
言與滿城風雨送重陽纔七言

爾楓落吳江冷纔五言爾日空
圖謂不朽纔消一句詩以是求
之鞭線一集不為少矣奚貴多
乎哉余少公十餘齡為忘年交
每相會輒談詩竟日今讀其集
如天馬行空步驟不凡回顧駑
鈍瞠乎其後無一言可傳于世

寧不有媿於斯文也夫公索序
其首簡於是乎書

成化十四年歲在戊戌春正月
上元日中憲大夫江西廣信府
知府致仕前禮部員外郎克

國史編纂官山陽金鏡序



襪線集

七言律

吳興史傑孟哲著

吟窩八景為宣州楊彥恒先生題

草堂燈影

清夜沉沉漏未終草堂曾伴浣花翁
甘依蠹簡垂金粟恥向華筵綴玉虫
和月淡籠窗外白舞風輕弄座間紅
平生一點光明在不使人居暗昧中

花墅棋聲

何處傳來剝啄聲東風花裡響楸枰商山曾
定安劉計謝墅還收破敵名葉底幽禽栖未
穩枝頭睡蝶夢難成不知柯爛樵歸後塵世
茫茫幾變更

燕壘泥香

海國飛來春正長舊巢新補自生香雨晴沙
軟芹邊渚風暖泥融柳外塘謾說韋郎居燕
寢從教薛氏賦空梁虛窓幾度鈎簾處分得
餘馨過短墻

蜂窠蜜熟

晴日茅簷各有房兩衙開處鬧春光釀成甜
雪瓊瑤白結就香飴琥珀黃偏許仲殊甘辟
公何須崔護苦求漿憑誰借取金莖露玉椀
調和進

上方

茶竈春烟

仙掌分來煮石泉竹爐搖颺起新烟不隨香
靄浮書幌肯逐風光上綺筵客至一痕穿柳
外鶴歸幾縷散花前顛崖辛苦蒼生念今古
詩家重玉川

琴床夜月

博山香藹淨琴張
簾捲輕陰月到床
一片水雲涵古調
滿空天籟發清商
金蟾俯聽龍池上
玉兔低窺鳳沼傍
曲罷滿懷春似海
只疑身世在羲皇

驢背吟囊

蜀錦裁成五色鮮
春風隨處歷吟鞵
只陪東郭尋詩友
不上西湖載酒舡
花徑推敲沾曉露
柳堤歸去帶晴烟
相逢莫笑輪囷重
滿腹驪珠顆顆圓

鷗邊釣艇

閑向壇湖理釣舡
忘機常在白鷗邊
半篙新水磯頭月
一棹清風鏡裏天
近浦不驚鷺沽酒
去傍沙多伴枕蓑
眠何時重應非熊
地贊輔邦家億萬年

送王文忠之京省親

遠省嚴親上

帝畿詩壇賓友暫
相違晴虹貫夜隨
書舡秋雨生涼到
客衣

天闕九重紅日近
家山千里白雲飛
金臺自古

招賢俊記取功名畫錦歸

遊蘇州虎丘寺

艤棹尋幽上虎丘
虎丘風景冠南州
山圍古寺參差見
泉落清溪宛轉流
杖錫僧歸蘿徑晚
賦詩人醉竹亭秋
却憐歸路重回首
寶塔雲橫景上頭

蒼筠軒為沈用賓題

華軒瀟灑擁琅玕
雅稱高人醉倚欄
三徑曉分葳鳳葉
一林晴長釣鰲竿
翠連書几涼雲淨
影落吟壇夜月寒
自是心期欣有托
何勞

終日報平安

留別吳興諸友

苕溪相見托相知
投轄情深得去遲
梅雨弄晴湖上棹
茶烟凝午竹間詩
半生事業馳南北
千里關山起夢思
明日扁舟又成別
魚書母惜寄天涯

寄張家灣沈以珎先生

先生家住潞河邊
滿架圖書屋數椽
清節直趨東漢上新詩
不讓盛唐前
寒空鷓鴣凌風健
秋水芙蓉帶露妍
每恨停雲空有賦
關山

迢遞若為傳

贈沐陽鍊師呂立中拜道紀官

五城樓觀寂無譁
春滿壺天歲月賒
晝閱黃庭開寶笈
夜封金鼎養丹砂
古壇松老飛蒼雪
別洞桃開絢綵霞
塵世喜聞仙珮響
承恩來自

玉皇家

沐陽公館即事

涼風送雨麥花秋
官舍蕭條動客愁
世事漫隨雲北去
去年華暗逐水東流
百年名利盧生

夢千里風霜季子裘
對酒自宜歌古調
不須重上仲宣樓

秋夜即事

燕坐空堦露氣涼
漸看明月過東墻
縣城人靜更初動
蕭寺鍾闌夜未央
螢火流光依宿草
桂花分影落吟觴
暫將塵事拋身外
擊節高歌逸興長

安東與談景福先生話舊

涼風踈雨縣城秋
旅館青燈話舊游
弄月曾移湖上棹
看雲同上水邊樓
空憐荆楚淹王

粲誰復新豐薦馬周處困不須頻感慨未應
踪跡老滄洲

西湖草堂為唐宗吉先生賦

號草堂
能詩

草堂風景絕纖埃誰識林泉有逸才清隱但
期同鑑曲遠遊何必慕天台夕陽孤艇堤邊
繫春水群鷗浦外來瀟散自然無物累醉中
擊節咏臺萊

得清軒為吳興方得堅題

軒居瀟洒傍溪山雞犬聲沉白晝閑賸有好
詩生眼底了無塵夢落人間窓開一水涵青

鏡簾捲群峯擁翠鬟教看殘棋松徑晚又看
孤鶴伴雲還

送陳士謙醫士還鄉省祭

京國僑居雪滿顛興懷何事淚如泉故鄉迥
隔三千里先壠相違數十年夜雨青燈淮浦
夢春風行李潞河舡南歸得盡平生孝蚤束
琴書向

日邊

山陽邑庠石先生子師也因致仕賦此

鶚薦承

恩下日邊芹宮振鐸許誰肩文章大手追張說
詩律高名邁鄭虔報

國幾年雙白髮傳家累葉一青瓊于今解組長
淮上共說先生五福全

林亭遠眺為沈存讓先生題

谷口樓遲結草亭倚欄吟望酒初醒一泓烟
水鷗邊綠幾點雲山鶴外青樹隔人家依浦
岼風移漁艇近沙汀脩然自得寰中趣不管
流年兩鬢星

生挽泰州王禮莊先生有詩名

死歸生寄復何憂任爾無情雪滿頭預向眼
前營壽壙免令身後卜山丘風雲變態詩千
首天地忘形酒一甌試問紅塵奔競者勞勞
終日為誰謀

謁呂梁神祠

轉輸歲歲艤蘭橈香靄松壇宿霧消文載穹
碑昭勝蹟禮嚴祀典賴

清朝山峯北去千重秀河水西來萬里遙多少
往來祠下客溪毛爭薦醑香醪

挽山陽縣耆士梁崇文

雄談無復四筵驚愁聽山陽笛裏聲天地無
情迷蝶夢江湖有恨負鷗盟芳名已入耆英
傳高義猶聞月旦評回首故園遊賞處空林
斜日晚烟橫

漕運次呂梁洪

烟嵐變態自朝昏疏鑿神功萬古存曲岍斜
分山勢斷巉巖亂觸浪聲喧地連齊魯通
京國水接沂淮入海門倚棹觀瀾增感慨乘槎
何用更尋源

清明途中值雨思親

客路那堪值禁烟蕭蕭風雨暗長川杏花村
裡難沽酒楊柳堤邊暫繫舡薊北傾心天只
尺淮南回首路三千遙思慈訓堂前地辜負
斑衣又一年

送山陽教諭王致文先生闈藩較文

暫辭芹泮入南閩校藝應知愜衆情八郡人
才爭掉鞅三場文字賴持衡榕陰晴鎖江邊
驛山色秋橫海上城遙想夜深看卷處奎躔
環映五星明

重遊彭城雲龍山石佛寺

度壑穿林上翠巔依稀風景似當年雲開梵
刹凌霄漢地隔塵囂遠市廛祇樹翠連高閣
外曇花香散曲闌邊岩前多少登臨者勒石
題名總昔賢

挽維揚張仲剛先生

不將踪跡落塵躡却笑揚雄作解嘲木鐸有
聲聞里閤藜床無夢到雲霄百篇佳什真堪
誦一束生芻不可招欲寫淮南高士傳草庭
風景晚蕭蕭

挽白菴金復明先生

常憶相從杖屨時蕭蕭兩鬢髮垂絲籬邊和
露採黃菊岩下躡雲尋紫芝老去不膺韓愈
薦興來還詠杜陵詩如今寂寞西州路獨有
羊曇淚滿頤

奉賀侍郎劉公廉夫

玉陛承宣出建章胸中竒畧邁陳湯已驅胡
虜清畿甸又伐蠻夷靖要荒萬里河山歸版
籍千年勲烈載旂常褒功位列秋臺上執法
中天倍有光

挽致仕揮使裴公

羽林材士舊英豪

國步多艱未建橐兩鬚風霜三尺劍半生塵土
一征袍進階已遂攀龍志獻捷多收汗馬勞
今日草堂閒綠野空餘林木帶寒臯

同衛百戶趙襄彛挽詩

眼底交游漸覺稀哭君今日淚沾衣公門無
復聯班入私第誰同信馬歸奉使島夷雄略
在撫綏屯戍壯心違英魂杳杳知何處三尺
新墳對落暉

題史舍人寧夏送行卷

紅亭絃管促離觴有客臨岐送渭陽芳草和
烟縈別恨斷雲拖雨濕行裝山環寧夏千尋
碧水落崑崙九曲黃埽到薊門應有問邊民
隨處頌

堯唐

追挽先師沐陽梧軒仲先生

碧梧清影尚婆娑常憶髫年受教多風俗至
今興禮讓詩書自昔賴磋磨詞源滾滾知韓
愈氣象巖巖見孟軻沐水一川流澤遠忍看
高塚鬱鬱差莪

即事二首 時景泰元年以漕運調守京師

胡塵漠漠捲秋颿推轂誰分

聖主勞馳遠祗須求駿驥破堅豈可用鉛刀烽
烟此日頻飛檄兵甲何時再建橐萬里幅員
全未缺不勝長嘆一登高

兵車大集為防秋欲請長纓報虜讐謾說田
文能養士誰憐李廣未封侯乾坤落落邯鄲
夢風雨蕭蕭杞國憂幾度登臨倍惆悵角聲
嗚咽奏南樓

懷來有感 時隨游擊將軍楊公能巡邊

胡騎縱橫入漢關可憐百二舊河山北來城
郭皆空在西狩

鑾輿獨未還白晝烽烟邊嶺上黃昏燐火戰
塲間匈奴又欲圖深入未許將軍關外閒

景泰庚午奉勉友人馬勝宗

京國逢君喜過從壯懷傾倒劇談中無才捫
虱何須重有技屠龍方是雄刁斗久閑關外
月胡塵又起塞邊風兵鈴滿篋承家學努力
乘時立戰功

奉挽大總戎昌平侯楊公

虎符重縮控玄冥部曲增輝闔外寧塞下至
今嚴斥候幕南從此絕王庭正期雄略安中
夏豈料前軍落大星青史不須爭點筆燕然
石上已鐫名

雙壽堂為少卿周尚文題

澗畔喬松池上桃年年相儗壽同高花苞上
浥清霄露根榦深資后土膏慶誕曾來王母
獻頌恩原受大夫褒華堂偕老光榮處况喜
丹山有鳳毛

送太守金宗潤先生出任蘄州

官河水泛欲何之出守蘄陽感別離蛟室反
居汙下地鳩巢偏占最高枝濟川舟楫非無
分輔世經綸自有時不日

九重恩賈誼肯教南土滯歸期

送吳廷璋歸吳興

相逢正喜情相洽又促歸舟柰別何渺渺烟
波行處遠離離雲樹望中多茗溪向晚沙鷗
集震澤迎寒塞鴈過想到故鄉應有問

明時功業愧蹉跎

挽冰壺唐以初先生

善樂府人稱書會

後老歸來髮已斑，恥隨流俗混塵寰。
蘇黃詞調超千古，元白詩名播兩間。
風月清樽傾北海，烟霞高枕卧東山。
于今乘化歸何處，應在蓬萊第一班。

次韻題梁孟暉贈別圖

兩輪日月自西東，客意驚秋問去蓬。
關路好山晴過雨，江村落木冷含風。
幽期久負沙邊鳥，鄉信頻勞塞外鴻。
此日相逢又相別，莫辭樽酒醉顏紅。

戴惟學徵士挽詩

蚤受

徵書懶着鞭，青雲事業竟茫然。
袖中剩有相如賦，座上惟存子敬氈。
明月清風閒舊館，斷雲流水繞新阡。
哭君多少傷心淚，常在詩壇夕照邊。

贈黃門李習之

聖主中興擢俊才，黃門分署近蓬萊。
朝簪彩筆螭頭立，夕捧

綸音闕下來。斗轉紫微環五緯，天垂華蓋列三台。
自慚踈陋甘微祿，景仰南山詠有臺。

通州中秋思親

戍樓鍾鼓報新晴
羅袂涼生露氣清
節序又驚今夕至
月華還似去年明
蓬萊天近無三舍
鄉國雲深有幾程
惆悵慈親垂鶴髮
壽筵春酒若為傾

奉和平江侯陳公出守南京過淮詩

韻

元戎承

命出鑾坡笳鼓聲中彩鷁過
千里清風來上國
一川新水泛長河
坐驅北虜功猶著
居守南

都寵益多從此兵民皆樂業
名垂青史永難磨

岑廷玉客死南方挽詩

幾年踪跡嘆浮萍
漂泊三湘與七閩
行李不歸千里客
生芻誰吊九原人
斷雲漠漠迷鄉國
長夜冥冥隔世塵
愁絕旅魂招未得
天涯南望益沾巾

挽張家灣沈以珎先生

不向江湖繫短篷
薜蘿門掩落花風
上林奏賦雖無意
詩壘橫戈却有功
陸海人驚槐夢

斷故山鶴怨草堂空傷心此日停車處淚洒
新墳夕照中

隱居曾乞買山錢半榻閑雲稱醉眠玩世不
為雙白眼甘貧惟守一青氈春風抱膝吟梁
甫夜雨挑燈草太玄回首脩文歸地下杖藜
誰共步花前

寄通州士人殷尚禮

潞陽傾蓋憶當年趙璧隋珠價不偏彈劍放
歌春酒畔題詩擊鉢夜燈前馬周末入常何
薦嚴武深知杜甫賢為問別來游賞處碧霄

明月幾回圓

贈蘄州衛姚揮使

保障威名冠列侯蘄陽隨處起歌謳城臨重
鎮雄西楚地接名藩控上游旗影拂開千嶂
曉角聲吹動一江秋于今四海無烽警橫槩
詩成醉玉舟

和荅通州韓先生天錫

一徑清陰散綠槐遠煩高士扣門來韜光不
受山濤薦避地誰憐杜甫才點易煩研花下
露橫琴還掃石間苔新詩賦就人傳寫霽

春雲見體裁

上巡撫京畿都憲鄒公閱武通州

重臣承

命出中臺旌節煌煌

闕下來風動柳營嚴警柝霜飛關塞淨氛埃

久舒稷契經綸志刺有孫吳合變才兵火幾年民業廢好敷春意潤枯荄

城市山林為平江侯陳公賦

時鎮守臨清

郡城官舍自幽閒何用誅茅傍玉山對酒鳥聲當戶外捲簾樹色到窓間草生新水池塘

綠花落輕風石徑斑獨有元戎尚儒素倚欄時復咏關關

平江侯陳公命題清泉井

舊蹟重興不易逢此泉疏鑿賴元戎遠分地脉千尋下倒浸天光一鏡中石甃翠痕生嫩蘚銀床清影落踈桐居民得飲沾新澤共仰能參造化功

送時伯章先生膺薦之京

滿散江湖志未酬明珠不向暗中投久知王粲依劉表今喜常何薦馬周萬里雲鴻方得

路九霄霜鷲正逢秋知君此去承
恩處環珮珊珊五鳳樓

述懷

寥落襟懷鬱未開五雲北望是金臺
半生廢學由多病一事無成愧少才
自覺青春身外去誰教白髮鬢邊來

君親未有涓埃報可得將心變死灰

登鎮江北固山多景樓

幾年淮海聞嘉境今日停棹上此樓
千壘雲山從地擁一江烟水接天流
平臨東楚無多

地雄壯南徐第一州自是老僧能款客不妨
登覽恣淹留

遊金山寺

金山蕭寺枕中流乘興高攀最上頭
霧散鷗波天漸曉風生鰲極海門秋
離離紅樹西津渡渺渺朱甍北固樓
一點紅塵飛不到只疑身世在瀛洲

奉謝翰林學士永新保齋劉公定之

蚤魁黃甲應時須經學傳家世有儒
位列詞垣稱內相名聞海宇號書厨
文章一代唐韓

愈史筆三朝晉董狐深荷碑銘昭母節虹光
終夜燭天衢

贈通州廖太守

出刺東藩第一州化行隨處起歌謳應同彩
鳳鳴丹穴不似蒼鷹下錦鞞曉日魚鹽充市
井秋風禾黍滿田疇政成重謁天官選惟許
吳公治行優

述懷

處世俄逢五十秋菲才忝竊舊弓裘周行可
嘆榛蕪塞捷徑那知車馬稠拙有丹衷酬

聖主巧無綺語動諸侯知心惟有床頭劍夜夜
虹光貫斗牛

次韻上漕運叅將黃公

不羨田單縱火牛舟師十萬擁貔貅一聲鼓
角秋風遠千里關河宿霧收西北已傳糧餉
足東南無復

聖君憂他年太史論功烈應在凌烟最上頭

秋夜懷李希曾用鍾伯福韻

霜葉飄殘楓樹林客窓寥落動清吟一天夜
色誰家月幾杵秋聲何處砧勲業未能成汗

馬

聖恩深負戴華簪相知獨有荆南客會晤無期
後寸心

用前韻述懷

薊北霜寒秋滿林夜深誰為伴孤吟羈懷消
盡窓前燭歸夢驚殘月下砧千古繁華春過
眼百年辛苦雪盈簪何時解組茗溪上了却
平生用世心

追挽平江恭襄侯陳公

英雄天產足經邦曾護

飛龍過大江麟閣元勳今第一計臺竒略古無
雙綠楊夾岸三千里白粲連檣十萬艘留得
神祠淮浦上行人懷惠拜旌幢

葦航為宣州衛揮使宋公林題

結構真成陸地舟不隨蓮葉浪中浮每懷擊
楫清中夏何用揚帆到十洲烟暝只疑沙岸
晚月明渾訝水鄉秋應知閱武歸來日興在
推篷樂倡酬

題吳主簿送兄歸江西卷

長淮流水綠沄沄斗酒城陰醉夕曛鴻鴈沙

頭方並影鵲鵠原上又離群一川草樹零寒
露千里關山隔暮雲歸到灌江漁隱處一竿
風月許誰分

吳興陳處士挽詩

買斷溪山遠避名白雲常日護茅亭老來不
試屠龍技死去惟存相鶴經堦下苔痕空自
綠簾前草色為誰青世人欲識生前德光照
豐碑太史銘

求古齋為驛宰陳希道題

獨卧茅茨守靜專後教烏兔自周旋道窮太
極初分後心在鴻濛未畫前只擬精神超廣
漠不知身世到鈞天結繩一變開書契始覺
人文體用全

述懷

半生心事與誰論竊祿偷容負
國恩未許拂衣歸故里空慚操瑟立齊門溪流
雨過添新漲野燒春來變舊痕對此不須增
感慨載歌黃鳥倒清樽

挽淮陰唐宗吉先生

一塵不到草堂前弄月吟風四十年清節直

攀巖子駕虛名不著祖生鞭花迎郭外尋詩
屐柳拂湖邊載酒舫何事玉樓招作記傷心
誰聽伯牙絃

送張李貞歸興化

勝遊何事又南還野鶴長鳴憶故山水滿林
塘芳草綠雨深苔徑落花斑王維畫法超千
古杜甫詩名播兩間想到海天清隱處醉邀
明月敞松關

妻兄逸上王伯鑑挽詩

一枕烟霞夢不醒幾番揮淚想儀刑起家勤

儉頭先白待客從容眼倍青椽筆有銘書墓
石漆燈無燄照泉扃長淮東望漣城路何日
重來真醕醑

挽湖廣都閫王公剛

少年賈勇幾人同曾向沙場立戰功鐵騎夜
嘶青海月朱旗晴颺黑山風授來好爵傳身
後留得陰符在篋中欲吊英魂歌楚些不堪
烟雨下哀鴻

秋日舟行書懷次韻

遠水長天帶落霞數村殘照映漁家井梧應

候已飄葉籬菊冒寒方着花白髮數莖人自
老青山兩岼路何賒幾時得遂歸休志高枕
蓬窓卧月斜

上鎮守淮安漕運總兵楊公

文武全才簡

帝衷獨承

恩命拜元戎關中糧餉推蕭相天下蒼生仰謝
公刁斗聲沉千嶂月旌旗影動一江風明良
布載今重遇竹帛應書第一功

贈江西翁方伯

稜稜風節重朝端曾向中流障急湍為國豈
知雙鬢白報

君惟有寸心丹暫居藩省安諸郡合在天曹總
百官

聖主于今思召伯紫泥封
詔出金鑾

挽吳興丘大祐先生 有詩名

抱瑟齊門負一生山林偏覺布衣輕書殘柿
葉秋雲冷彈徹梅花夜月明清節不慙東漢
士新詩獨占盛唐名茗花溪上人何在愁聽

東風杜宇聲

轅門瑞應為漕運總兵楊公賦

九重爵命下淮東
庭檜呈祥表至公
花染輕黃當几席
香分餘馥透簾櫳
一時雨露滋生力
千古乾坤造化工
不似等閑桃李態
園林隨處咲春風

松菴為廣信貳守蔣君題

一菴何物可為隣
移得徂徠石上根
暝色入簾蒼雪墜
秋聲到枕翠濤喧
子燒古鼎清吟思
花釀新醪引醉竟
最愛黃昏明月上
老龍

擎出水晶盆

春熙樓為前人賦

何用尋芳步石苔
小樓日日有詩裁
窓開柳色侵書幌
簾捲波光入酒杯
盤谷有山圖畫障
桃源無地着塵埃
主人已作青雲客
帶得陽和足下來

用奚進士徐字詩韻寄顧內翰

奇才卓犖跨應徐
禮度雍雍出自如
久別頻飛千里夢
相思曾寄一緘書
春風上國鶯花麗
秋雨淮南草木疎
尊酒何時重會晤
西窓

剪燭話當初

用前韻贈臨清管應暉先生

宦途曾吊聘君徐解組歸來得自如花下一
壺新釀酒燈前幾卷舊看書冰霜有操名長
在歲月無情髮易疎今日清源重聚首傾懷
不減十年前初

又用韻挽友人致仕戶侯李從善

觀化由來有疾徐珠沉滄海竟何如風前痛
洒思君淚篋裡愁看寄我書流水落花春寂
寂荒原衰草雨踈踈寧馨繼述多聲譽世祿

無忘創業初

道經草萍驛和壁間詩韻

年來踪跡等浮萍驛館停騾雨乍晴半世浮
名何足重一挑行李莫嫌輕殊方山色徒牽
興上國鶯花獨繫情賦就新詩題石壁隔林
啼鳩兩三聲

次滕都憲遊劉伶臺韻

中丞登覽駐軒車松徑珊瑚響珮琚酒德尚
存當日頌醉鄉空見舊時墟湖添水色雲收
後山吐嵐光雨過初賦就新詩歸興促香風

滿路落花餘

竹深處為潘從禮上舍題

君家種竹已成林不受紅塵半點侵
滿地綠雲晴冉冉一天蒼雪晝陰陰
偏宜問字人携酒更許能詩客
抱琴指日伶倫裁鳳管九重天上叶韶音

贈梁孟輝次陳都閫韻

勝覽東吳不計年虹光常貫米家船
蓬推夜月江邊醉帆落秋風海上還
雲路羨君心遠矣宦途愧我髮蕭然
故山留得松巢在一枕

何妨伴鶴眠

病中述懷

抱疾經旬不出門眼前風景易消魂
花因雨減三分艷月被雲遮一半
昏落落襟懷聊自遣紛紛世態向誰論
茗溪南望無多遠何日歸休理釣緡

病中感懷兼簡時伯章

篋裡陰符久不看蹉跎無意效彈冠
半生自覺頭顛白多病誰知肺氣寒
解組未歸元亮宅持竿欲上子陵灘
人生何似先生樂坐對

湖山賦考槃

過臨清

物阜民繁勝昔年新城高築運河堧樓藏烟
樹清源驛檣掛風帆衛水舡簾幙重重遮翠
閣管絃處處奏華筵人生得境須行樂莫待
秋霜點髮邊

耕讀為張家灣侯三題

買斷溪南百畝腴清陰繞屋樹扶疎一犁耕
破壠頭雨萬卷讀殘燈下書芳草翠眠村徑
犢落花香引硯池魚秋來釀得新醪熟醉倚

西風賦子虛

申汝潔高士挽詩

紅塵衣馬任輕肥小結茅茨近水湄高誼直
期佳士列香名儘有遠人知花前風月三盃
酒橘裡乾坤一局棋四十年来交義重哭君
無那淚沾頤

安山道即事

東風駘蕩吹征衣漕舟北去日未西堤上萬
株柳條軟水邊幾處茅屋低青帘搖搖引客
醉綠陰沉沉留鳥啼風光觸目動技癢彩筆

興來隨處題

挽維揚羅文節先生

笑談無復見梁鴻
淚落西風感慨中
三徑疎花秋色老
一庭芳草晚烟空
逍遙已去陪仙侶
得失何嘗問塞翁
賸有詩名誰得似
至今淮海挹高風

趨省南歸為楊公子徽賦

侯門公子省親歸
曉發津亭彩鷁飛
江館不聽商女曲
行囊惟帶老萊衣
春風帆影青山港
夜月簫聲赤壁磯
到日親庭調膳後
平安莫遣鴈書稀

莫遣鴈書稀

通州舟中會沈用賓

楚水吳山隔唱酬
盍簪今喜在通州
畫舫得雨消殘暑
白紵驚風報早秋
杜甫苦吟詩滿篋
馮唐易老雪盈頭
人生得失何須論
剩買香醪泛玉舟

贈淮人顧廷訓時寓金臺

一年一度會京華
傾倒襟懷興轉加
自信馮驩能作客
誰言王粲不思家
解貂夜醉新豐酒
走馬朝看上苑花
他日期君何處是
一竿

春水白鷗沙

客裡襟懷久不開
壯年踪跡寓金臺
孤燈風雨愁中卧
千里關山夢裡來
旅館有書黃耳去
釣舡無主白鷗猜

天恩未許歸淮海
且盡花前酒一盃

奉挽李閣老學士

昨夜台星圻泰堦
曉聞國老訃音來
三朝曾倚調元化
四海今嗟失相才
班馬文章留鳳閣
夔龍事業著麟臺
籠中藥物知多少
淚洒門墻日幾回

夏太卿仲昭墨竹為金揮使題

鳳凰池上文明日
華掃青鸞下羽丘
天際淚痕思帝子
人間風致重王猷
半窓翠濕淇園雨
一榻涼生嶰谷秋
公暇披圖相對處
歲寒高節許誰儔

挽秦州周用珎從事漕府號草庭

綠水芙蓉墜晚紅
笑談尊俎竟成空
已聞重瀨求溫造
忍見昌黎誌石洪
千里旅魂歸夜月
一庭芳草怨秋風
篋中遺藁珠璣燦
莫道青雲路不通

挽參將湯公讓死節

性敏捷能詩文

玉門邊報日頻頻受

命參戎淨虜氛杜預有才當一面張巡無援老
孤軍英魂夜度關中月豪氣秋橫塞上雲姓
字已書忠節傳遙遙千古播香芬

時伯章話舊偶成

紛紛世事眼前過慷慨襟懷柰若何沽酒且
邀今日醉論交不似昔年多但知杜甫依嚴
武一任臧倉毀孟軻賴有舊時淮海月清光
終夜照吟窩

奉上學士錢公自順德縣 詔還

一封

徵詔出

彤闈頓覺文星夜有輝李白昔沾天上寵坡仙
今自海南歸宮花過雨紅偏重御柳涵春綠
正肥無限

恩光照行色熏香重整舊朝衣

贈嘉禾隱士李祖錫

相湖湖上倚蘭橈一簇烟霞遠市頭玉勒未
收青海駿錦鞵難繫黑山鷗牢籠風月詩千

首傲睨乾坤酒一瓢贏得高名播寰宇小山
叢桂不須招

成化三年秋寓金臺隆福寺寫懷

竊祿常慚雨露深流光不覺去駸駸遣懷正
藉詩頌咏垂老那堪病又侵僧舍暫極消俗
慮山林未許遂閒心夜深獨坐孤燈下厭聽
東隣搗月砧

雨窓別意為吳興沈主事題

一天風雨送黃昏簷外蕭蕭不忍聞原上鶴
鷓方聚首沙頭鴻鴈又離群池塘芳草添新

水鄉國遙岑隄斷雲後夜孤舟何處泊半床
妾被思紛紛

至武林賦此

武林風景最繁華近水樓臺十萬家紫陌香
風嘶騷裊畫舫明月載琵琶蘇公堤上柳舒
葉和靖祠前梅着花便欲拂衣來此地買山
築室卧烟霞

挽庠士吳文明父

嘉遯西湖懶送迎水雲常日護柴荆能知大
義丘山重俯視虛名一芥輕倚杖花前看舞

鶴鷺壺柳下聽啼鶯于今永訣歸何處一度
思君一愴情

次韻送清河二尹考績之京

送君考績觀

虞庭長樂鍾聲月下聽太液波光浮地絳蓬萊
山色倚天青官膺民社非輕授酒醉宮壺不
易醒遙想歸來春正好幾多黎庶候津亭

病起即事

壯懷只欲攀銀河長途羸馬成蹉跎穿堦雖
喜雨添笋颯水不禁風捲荷功名枕上一炊

黍烏兔眼前雙擲梭茫茫此理有誰識試問
當年春夢婆

送鎮江醫士陳仲暉南還

與君同侍霍嫖姚北上

神京不憚遙燁燁驪珠光照乘稜稜寶劍氣冲
霄解貂沽酒情偏洽剪燭談詩興轉饒况是
折肱醫國手未應歸去伴漁樵

代送鮑克恭之官霍州

除書榮捧出

虞庭應有佳名列御屏祖帳一樽今日酒行囊

幾卷舊時經爭誇龍劍初離匣喜見牛刀始
發矧想到黃堂閑拄笏太行千仞倚天青

道經故城縣留別致仕廖太守

懶向青雲振羽翰賦歸贏得此身安一壺秫
酒閑中醉幾卷葩經靜裡看籬菊吐香偏耐
晚澗松挺翠不知寒相逢又作匆匆別始信
人生會合難

德州中秋

露下高梧暑氣消客懷風景易相撩月離滄
海十分滿人隔故鄉千里遙玉宇無聲秋寂

寂銀河有影夜迢迢虛名應被姮娥咲孤負
花前酒一瓢

送上人湛心源歸姑蘇萬壽寺

在客那堪送客行都門回首重含情身隨出
岫孤雲遠足踏浮江一葦輕學道已登西竺
地吟詩兼得盛唐名年來愧我羈塵鞅未得
投簪了此生

對景書懷

絲絲疎雨弄清和添得堦前綠漸多亂糝荒
苔粘屐齒挺生新笋過簷阿詩成筆底後人

和酒熟床頭待客過對此襟懷良不惡任教
烏兔急如梭

遜齋為大河衛千戶陶舜卿作

武弁相承際 盛時倚欄獨咏考槃詩少陵
溪上花應咲真逸嶺頭雲可怡留得苔痕封
鶴徑引將泉脉到魚池箇中一段幽棲意惟
有紫陽心最知

送應天府學教授周先生之任

榮陞郡博荷

息偏故舊相逢喜躍然夜雨西窓淮甸酒春風

南浦秣陵船雨齋教法推胡瑗一代文才數
鄭虔此去英才沾化育講堂重見北三鱣

和酬嚴正學二尹

盍簪不減舊時歡旋采青芹薦晚食霽月又
看升若木光風尤喜泛崇蘭摘花浸酒春猶
淺剪燭談詩夜未闌惆悵明朝又分手一江
烟水恨漫漫

挽吳中孚先生

高蹈丘園齒德兼更將醫術濟閭閻床頭不
畏黃金盡鏡裡從教白髮添滿徑苔痕粘短

履一庭草色入疎簾于今易篋歸冥漠山斗
無由得再瞻

贈梁孟暉

梁門華胄更風流浪跡江湖未白頭酒泛翠
濤春盎盎歌聽金縷夜悠悠醉鄉不作邯鄲
夢樂土那知杞國憂今日賦歸尋舊隱東籬
黃菊正宜秋

贈人移居

為厭蹢塵遠市廛新居移近水雲邊小山叢
桂堪招隱曲岸垂楊可繫舟鷗泛春波當戶

外鳥啼晴日到窓前分明一段湖天景彷彿
王維在輞川

盧經歷母挽詩

門近韓江庾嶺東宦途有子已登庸書因遠
別頻頻寄衣恐遲歸密密縫三釜忽傳違祿
養九原深恨隔儀容想應卜兆牛眠處
錦誥重頒墓上封

周揮使觀索賦鬆金釧減玉肌

長亭酒盡解青駝淚濕殘粧鏡裡容頓覺玉
肌今日減不知金釧此時鬆心隨驛路三千

里夢斷巫山十二歲，記取功名歸畫錦。門闌誰不羨乘龍。

代人寄遠

畫舫人去路茫茫，倚欄干幾斷腸。羅袖暗添今日淚，鏡奩羞並舊時粧。翠衾香冷春何在，玉漏聲殘恨轉長。憑仗魚書問消息，何時花底共飛觴。

奉不挽致仕漕運總兵楊公

統漕江淮髮已斑，乞

恩歸去卧東山。一生功著雲霄上，千載名傳宇宙間。此日延津龍化去，何年遼海鶴飛還。應知計奏蓬萊殿，聖主深憐一改顏。

代贈太醫院醫士陳惟遠歸淮陰

醫鳴

御苑許誰攀，應在劉張伯仲間。淮土久思千里隔。

天恩今許一身閒。青簾畫舫歸時路，明月清風夢裡山。僮僕歡迎春未老，杏花深處掃柴關。任城中秋對月

舟泊官河近驛亭微波不動夜無聲清霜幾
點騎邊白皓月十分天上明丹桂吐香飄玉
宇金蟾流影落瑤壘詩成半醉吟懷壯欲挾
飛仙躡五城

挽晚翠金宗韶高士

寒烟漠漠鎖行窩無復新詩對酒歌顧我弱
齡情最厚哭君今日淚偏多百年高行詞人
誄一束生芻吊客過留得書香傳後嗣定應
濟濟掇巍科

和復千戶陶舜卿

詩筒傳述到吾家老眼昏花認字差妙奪天
機推李賀冥搜冰柱重劉义才華燁燁翔丹
鳳華勢翩翩散墨鴉獨把一壺邀夜月滿身
花影任交加

挽山陽知縣郭君

承

恩曾預瓊林宴手縮銅章

關下來冰貯玉壺寧有迹月流銀漢更無埃天
曹未報三年政史館應憐百里才旅襯遠歸
遺愛在淮民誰不為興哀

安東彭汝錫母歸氏挽詩

能相夫君入宦途可憐中道鏡鸞孤水邊採
藻時供祭窓下挑燈夜辟繡雙淚潛潛垂玉
筓寸心耿耿湛冰壺西風吹斷瑤池夢愁絕
家林返哺烏

寓金臺述懷

旅食京華歲月深囊儲銷盡贈時金行藏自
擬溝中斷問訊誰題漢上衿膠漆故人千里
夢弓裘先業百年心秋霜最是無情物恠底
年來兩鬢侵

寄兗州蔣禧永

號月坡從事漕府

袖拂塵埃歸去時一生襟抱許誰知飛談卷
霧韓康伯豪氣凌雲杜牧之花塢尚留春未
老月坡偏與晚相宜好尋方外忘機友共着
松陰石上棋

次韻梅花深處為湛上人題

瘦嶺移來面目真肯同此卉弄精神分開臨
濟三宗曉占斷閻浮大地春就物看花非上
智即心成佛是斯人塵埃不到莊嚴地獨許
維摩作近隣

遊虎丘山次聶大年先生

此地猶存舊日亭
茫茫塵世幾人醒
崇岡虎卧墳頭白
巨壑蛟潛水面腥
陸羽品泉殊有味
生公說法豈無靈
詩成歸去重回首
雲杪孤峯晚更青

遊鉢池山

名山高聳水西灣
樹色嵐光杳靄間
丹井夜涵松月冷
禪林晴護野雲閒
鶴飛點破孤峯翠
花落粧成一徑斑
此日登臨無好句
錦囊歸去咲詩慳

東臯別墅為寶應范思敬題

覽勝何如小洞天
風光只在海雲邊
紅塵不到談碁局
綠水頻來載酒舡
一徑花香晴過雨
四簷樹色暖浮烟
知君素有烟霞癖
故向明時懶着鞭

贈閻宰舒君

早從漕府試才猷
一宦雖成志未酬
枳棘固非栖彩鳳
汗池誰念卧蒼蚪
客途相見難為別
世態休言易動愁
守已但須存直道
定應剡薦達

宸旒

明遠樓為金臺徐以道題

闌猶層層接太清
摘星何處浪為名
風烟散盡千門曉
雲漢昭回萬里晴
幾點秦山天外落
一杯弱水地中傾
鈎簾自覺吟懷潤
不向瑤臺奏玉笙

贈寶坻大尹陳德光

莫道踈星隔絳河
故人今已沐恩波
雄飛雲路才方展
小試花封髯未皤
一榻清風公暇酒
半窓明月坐來歌
古今循吏皆

徵用還向

金門振珮珂

遊鳳陽大龍興寺

日上鰲峰紫翠開
鬱葱佳氣擁蓬萊
龍飛聖祖中天去
象馭瞿曇此地來
祇樹四時沾雨露

御書千古護風雷
拜瞻欲賦

皇明頌潦倒深慚學未該

挽大河衛揮使金公昇

哭聲斜日動侯門
升屋今招國士竟
掛劍慚

非吳季子買絲欲綉趙平原虎符曾受新頒命

鳳詔留傳舊賜

恩留得功名載青史輕塵弱草不須論

瞻泰嶽

時督浚泉源至其處

策馬西來入泰安白雲飛盡見層巒支撐日月三千丈宛轉烟霄五十盤氣壓龜蒙天柱聳根蟠齊魯地維寬欲登絕頂攀星斗只恐天風兩袖寒

挽淮安衛揮使周公懋

夢跨青驪去不還英雄無復濟時艱一生身世雲霄上千載功名竹帛間塵暗錦緜龍劍在燈殘油幕豹韜閒奚囊留得詩千首誰為將軍次第刪

贈沔陽驛宰宋君

盛世誰能拜一官相逢何事兩眉攢但知白日消磨易莫道紅塵奔走難博學季孫監酒務苦吟杜甫困詩壇他時得藉吹噓力萬里雲霄奮羽翰

述懷

老來心事，須占漸覺清霜兩鬢添。何處落花紅滿地，我家新筍綠過簷。床頭酒熟招元亮，筆底詩成寄道潛。更喜黃昏明月上，娟娟清影透疎簾。

輓淮安衛致仕吳揮使

蚤將簪組付賢郎，歸卧淮南舊草堂。控鎮海邦雄畧在，撫綏屯戍頌聲揚。大圭不琢原無玷，長劍雖藏尚有光。今日忽聞歌薤露，追思勲德淚沾裳。

贈中書舍人顧宗道

天產英賢侍

聖皇文華日日近

清光詩題錦軸傳，宮體墨倒金壺寫。樂章仙醴每頒瓊島宴，緋袍常惹御爐香。兩全忠孝人爭羨，鶴髮慈親在北堂。

和首字八音荅罔上人

金粟光中見化城，石頭徑路坦然行。絲桐不操有言調，竹笛慣吹無孔聲。匏為空虛成落土，因清淨發區萌。革囊一任來相試，木石心腸不動情。

挽千戶陳鎧母太宜人賈氏

錦誥榮封在暮年相夫報

國衆稱賢尋常不過中門闕頃刻寧忘內則篇
夢斷梨雲迷舊路歌殘薤露闕新阡最憐有
子承勲烈跨竈名香遠近傳

次韻贈彭城鄧文忠

君家高閣近黃樓覽勝何須縱遠眸疊嶂翠
環城外郭垂楊綠繞水中洲窓迎鳥道千林
曉座俯鮫宮半壁秋安得坡仙共吟賞舉杯
邀月盡更籌

贈徐州衛致仕百戶張瓚

蚤辭榮祿意何如買斷溪山靜處居耕破燒
痕催種穀分來泉脉看澆蔬數峯晚翠雲收
後千樹春紅雨過初世事無干心自樂從教
塵鎖舊韜書

雪堂為姑蘇祐天祥上人賦

六花凝素似吳鹽一室通明不捲簾瑤圃有
光迷皓鶴廣寒無影失冰蟾豪吟蘇軾心原
淨高卧素安夢正甜老衲此中深得趣焚香
趺坐讀楞嚴

留別東吳祐天祥上人

都城解后話從容恍若三生夢裡逢
幻海已空生滅相塵寰永斷去來踪
瓶將夜月溪頭水衲掛秋雲石上松
無柰尊罍動歸興何時重聽講筵鍾

次韻送客歸淮陰

都門飲餞簇金鞍壯歲功名到手難
自信王生堪結襪誰知貢禹謾彈冠
穆陵雪霽冲寒度岱岳雲開向曉看
淮海心知凝望久匣琴流水待君彈

挽致仕千戶張公士忠人稱秀才張

居武能文事業精生前贏得秀才名
詞源筆底傾三峽籌略胸中蘊五兵
此日清尊空北海何年化鶴過東瀛
我因忝在忘年契哭向西風淚濕纓

成化甲午中秋

寥寥天宇散輕雲坐見織阿出海濱
露洗白榆何歷歷風搖丹桂更蓊蓊
年華未艾為佳境秋序平分是此辰
自喜歸休心事了裁詩欲寄未歸人

靜菴次韻為江右龔教書題

數椽蕭洒自經營門掩閑雲賴

治平有象畫從心上悟無絃琴向膝間橫一塵
不入盧鴻夢五鼎難移魏野情獨厭春來歌
枕處隔林黃鳥弄新聲

挽漕運把總指揮宋公林

桓桓英武早馳聲掌握南畿水部兵河上蒙
衝勞轉運關中糧餉賴充盈納交久仰廉頗
德知己難忘鮑叔情何事歲舟移夜壑哭君
今日淚縱橫

知事沈養浩父挽詩

教子登庸綴玉班自甘終老卧東山宦情落
落應難合塵事紛紛了不關醉倚藥闌招鶴
舞晚扶藜杖看雲還如今乘化歸冥漠空掩
松筠屋數間

贈雪蓬包宗盛先生

舡泛清泠出武夷侍親游宦寓淮涯籠中愛
養呼名鴨陌上甘為曳尾龜兩袖清風東漢
節一編佳製盛唐詩交游多少青雲客得似
南窓寄傲時

挽友人時伯章先生善樂府

冉冉流光七十三
懶求榮祿戴朝簪
只期名注長生籙
豈料身居永息菴
遺草一編傳海內
高風千古播淮南
雞壇故友情多慘
老泪頻揮更不堪

奉挽大叅史公母太恭人謝氏壽一

百又二

萱闈有祿養天和
歷世爭誇百歲過
令子薇垣方致政
賢孫

王殿又登科
誰知落漢梨雲夢
翻出淒涼薤露

歌懿德不慚同仇氏
應書列傳永難磨

挽千戶陶舜卿母太宜人徐氏

杳杳香魂去
莫攀雲霄吊鶴又飛還
已知效績聞慈訓
曾為平反見咲顏
夜雨燈前衣線在
春風花底板輿閑
九原此日應無憾
玉樹森森雨露間

寄長興族人史庠士

吾宗人物最清奇
燁燁藍田見紫芝
上苑看花終有日
蟾宮折桂豈無時
蘭膏吐焰搖書幌
墨汁飛香出硯池
愧我官途今老大
月明

兩地起遐思

同衛鎮撫陶廷鑑挽詩

相過幾度共談詩一疾誰知永別離自昔昌
黎交李賀由來文定重王奇官承武弁原無
忝志在儒林更不移欲賦楚招招不返烟光
草色也含悲

和嚴正學客中感興

寒窓鐵硯昔曾磨回首林泉柰老何黃菊景
宜秋露重蒼松不厭晚雲多古今落落屠龍
技天地茫茫扣角歌試看當年同宦者幾人

歸去養天和

代贈歌妓

一咲千金不易逢靚粧偏與內家同麝烟淡
掃蛾眉綠懶髓輕勻粉面紅歌扇影搖楊柳
月舞裙香散牡丹風五陵年少知多少腸斷
花陰轉盼中

和嚴正學話舊有感

昔年曾為賦新詩今日逢君動所思安得舉
杯歌白雪可能圍座寫烏絲蕭蕭落葉秋風
候黯黯殘燈夜雨時堪嘆近來雙鬢短年華

如水日東馳

送淮郡太守袁公考績之京

一麾出守五經年絕勝文翁治蜀川千里清
風動寥廓一輪明月湛中天案頭只有春秋
筆囊裡渾無莫夜錢想到

帝庭承顧問好陳民瘼玉堦前

乙未歲九日書懷

莫嘆流光暗裡催少陵抱病亦登臺一聲候
鴈已先到幾朵秋花尚未開山聳鉢池青似
黛水涵淮浦碧於苔老懷素有天游樂不許

人間俗士猜

挽逸士蔡以行

淮海幽栖樂

盛時出塵風度幾人知心閒不作三刀夢身老
從教兩鬢絲別墅看花春載酒小窓燒燭夜
敲棋賢孫能紹詩書業瞑目重泉不繫思

閒中述懷

屈指年華邁六旬乞歸容得一閑身柳塘日
暖遲遲晝花徑風和盎盎春酒熟碧香留故
友詩題錦軸寄騷人獨憐日日同袍者猶踏

東華軟土塵

挽后宗德

獨跨青騾不返覓病中聞訃倍傷神只期下榻延高士那忍題詩哭故人襟抱有容黃叔度辭章無忝李元賓明年三月城東路愁見佳城草色新

送漕府從事歸湖湘

臨岐欲贈繞朝鞭草檄誰當筆似椽自古羽林多俊乂于今蓮幕重才賢半竿落日湖邊路五兩輕風江上舡歸到湘南應有問元戎

勛業在凌烟

述懷

落落乾坤寄一身轉頭六十二回春老懷不管書籤亂衰病偏於藥裹親秋盡短籬黃菊瘦春來幽谷紫蘭新世間萬物榮還悴莫對西風感慨頻

秋日寫懷

老去歸休得放懷虛名未許便塵埋眼前莫論人情薄身外從教世事乖萬有紛紛為夢境一無了了是心齋東籬有約人知否采采

秋花色最佳

和韻復江西徐順先生

相逢淮海共徜徉
燁燁文光照草堂
擊鉢題詩頻洒翰
隔牆呼酒屢飛觴
老懷已與宦情遠
健翮正逢雲路長
莫道賢才因林壑
只今鳴鳳在高岡

和寄吳興教書姜彥達先生

盍簪未卜在何年
兩鬢蕭蕭益悵然
鄉夢不離茗水上
歸心常繞弁山前
可堪吳楚分千里
安得參商共一天
猶記南溪吟賞處
彩毫

頻洒行波牋

梅雪軒為長興錢廷佑題

寒雲素艷不勝清
歲晚相依故結盟
月底有香偏馥郁
風前無力最輕盈
羅浮仙夢驚初覺
郢客新詞和未成
幾度巡簷心自樂
冲寒何用灞橋行

代作鳩拙軒

數椽容膝足藏脩
巧智都忘類鷓鴣
抱甕漢陰端可重
運斤郢國不須求
自憐扶老能消噎
誰信投懷更作鈞
何事盡教天下拙
欲從

周子問根由

和寄長興致仕陳希道驛宰

曾於宦海見竒蹤未老接簪若箇同五柳莊
前彭澤宰百花潭上杜陵翁但知豹隱南山
霧一任鵬搏北海風今日故園多雅趣詩成
深荷寄飛鴻

嬉春效楊鐵崖體奉鍾狂客

老去清狂興轉加嬉春何處可將車梨花夜
月端端宅楊柳春風盼盼家酒瀉碧香傳鑿
落曲翻金縷奏琵琶小娃捧硯求新咏滿紙

龍蛇走墨花

挽淮陰徐先生用謙

曾式淮南隱者閭五株烟柳護幽居乾坤傾
倒一壺酒今古咀食千卷書蝴蝶夢沉春院
寂子規聲斷夜窓虛行窩風景今猶在花底
無由見小車

環清軒

紅塵飛不到軒楹清境都歸造化地脉週
圍涵靜鑑天光倒浸湛虛明曉分樹影和雲
淨暖泛花香過雨晴幾度凭欄醒醉眼更從

何處濯冠纓

友竹為景建器庠士題

結盟三徑日盤桓絕勝王猷到處者一種清
標相契合四時雅候共平安林間酌酒情偏
洽節下題詩興最寬待得春雷奮頭角化龍
同上碧雲端

龍江解纜

曉來笳鼓發餘艖督運寧辭去路長天漸清
風迎畫戟海門紅日上牙檣水禽並立晴沙
上岬柳遙連古渡傍擊節中流頻感慨誓殫

忠赤報吾

皇

挽通政知事沈養浩母

一枕瑤池夢不還壺儀留得在人間相夫名
著金蘭簿教子身聯玉笋班殘月半窓機杼
冷落花滿地板輿閑佇看他日膺褒贈鸞鵲
天書出九關

千戶鄧惟善挽詩

人生修短兩茫茫此理無由問彼蒼八耄慈
親今尚在五旬孤子竟先亡可憐白壁沉滄

海無復斑衣獻壽觴况有生前遺澤在紛紛
部卒淚沾裳

都門送別為鄉友錢廷佑題

朝回祖餞

帝城東五兩輕舍潞渚風行色已題詩卷內離
情都付酒杯中沙鷗點破晴波綠野鳥啼殘
夕照紅隨處雲山迎畫舫知君吟晚興無窮

贈淮城青龍庵主

素秉清貞遠俗塵青年方服向緇門叅通止
觀心常淨顯出圓明性獨存翠岫孤雲閑白

畫碧潭明月破黃昏姓名已著傳燈錄千載
流傳啓後昆

挽李仲宣逸士

十年踪跡各西東賦就停雲思不窮抗俗襟
懷敦友道可人畫法擅神工乾坤俯仰無慚
德林壑依稀有古風今日忽聞乘化去不勝
揮淚夕陽中

一竿風月

不將籌策覓封侯獨坐輕舟把釣鈎天末清
風來柳岸海東明月到蘋洲吹開眼界織塵

淨照徹心源萬事休受用而般應不盡此身
之外更何求

耕讀圖

數椽茅屋傍溪邊甘向

明時受一廛買犢不留腰下劍積書寧愛杖頭
錢條風舜耒春郊外疎雨韓縈夜榻前一任
青雲軒冕客功名先着祖生鞭

題恭襄侯陳公清江草亭

統亭松竹貯清竒公暇曾吟召虎詩聞知已
成先世業流傳還作後人規綠雲冉冉侵書

幌蒼雪紛紛落硯池况有賢孫能繼武

九重不負 聖君知

黟國莊敏陳公立祠清泉

匡時須仗股肱臣三鎮清泉有幾人訓練甲
兵防逆虜經營城郭衛居民桓桓威武周方
叔赫赫才名漢寇恂廟貌千秋昭祀典何殊
圖像入麒麟

奉寄東吳致政錢學士先生

久侍

文華近紫微玉堂今見幾人歸

四朝寵渥今猶少八十高年古亦稀
筆掃龍蛇飛雪練文裁錦繡出天機
別來山斗頻瞻仰迨邇無由到講帷

奉和平江總戎陳公涵清亭韻

爰結茅亭近水邊八窓開處散晴烟
一泓冷浸娟娟月半畝晴涵湛湛天
翠荇牽風應似帶綠荷出水恰如錢
滄浪歌罷無人和彷彿神遊太古前

公餘遣趣亭為平江總戎賦

公餘何處可從容多在池亭景物中
一鏡水光當几席四時花影上簾櫳
綠楊橋畔無人到翠篠叢中有路通
今日畏途成雅俗風流寧讓晉山翁

奉和平江總戎賞牡丹韻

名花培植已多年延賞今開玳瑁筵
照眼韶光三月暮動人嬌態十分妍
敷榮雖向群芳後題品還居百卉先
獨有元戎詩句好春雲靄靄出天然

奉送大元戎平江公奉

詔之京總握大軍

九重飛下

玉音來

聖治維新用大才萬夫高標擎日月八方聲槩
走風雷連營貔虎兵威振拔地龍蛇陣勢開
自古世臣匡

帝業將星炯炯燭三台

奉送亞卿葉公代祀泗洲

祖陵回京

煌煌使節下嬪城代祀

皇陵復

帝京柳影荷香淮浦路山光水色潞河程曾當
一面驅胡虜只以孤忠荅

聖明金鼎調元知有日八方爭覩泰階平

孝行淮陰楊克彰入祀鄉賢祠

鄉祠誰得並前人廬墓嘉祥見孝純副兎留
連常作伴白鳩繾綣每相親百年禮樂逢
昭代千載聲光重逸民祀典有榮關世教淮南
風俗盡還淳

薤菜

誰識其中滋味長滿盛陶瓮自生香芳根在

處含春雨嫩葉挑時帶曉霜甘向茅茨同寂
寞不居華屋伴芬芳數莖能飽家常飯免使
錐刀競利忙

道院

清江流水繞門前知是仙家小洞天瑤草香
中春似海碧桃花底日如年紫簫吹徹雙鸞
下玉扎裁成一鶴傳欲扣玄關問真訣却慚
無計脫塵緣

和王文忠喜雪韻

六花飛舞忽紛然幻出通明不夜天最喜嘉
祥當此日定知豐稔在明年何人煮茗呼頻
掃有客尋梅去未還誰念固窮清隱士忍寒
林下不成眠

壽金陵祝高士

家近三山二水邊幽閒何異一神仙蟠桃待
結三千歲花甲纔過七十年蘭玉承歡披彩
服賓朋稱壽集華筵笛中亦有南飛曲迢遞
無由到席前

挽淮士常彥忠

一束生芻不可招閒庭風月晚蕭蕭兩京華

屋交游在四海清尊意氣消濟物有名留宇
宙榮身無忝躡雲霄從今忍過西湖曲踈柳
寒烟倍寂寥

代人贈別之官

離亭車馬曉駢駢考最今後

闕下歸恩露已沾新

寵命天香猶帶舊朝衣雲開潞渚波光遠霜冷
江村樹影稀他日重來報新政定應高擢侍
彤闈

龍坡草堂為致仕郡博陳先生賦

草堂只在龍坡上歸去猶存舊簡編芸草生
香浮榻畔梅花橫影到窓前詩成對客揮犀
管酒熟呼童洗玉舡已報
國恩身事了逍遙天地一神仙

草亭為舉人許雲程題

射策

金門自有時暫歸梓里結茅茨紅塵不到讀書
榻綠水長涵洗硯池新竹傍簷添箇箇垂楊
當戶鞦絲絲禹門待得春雷震正是神魚變
化時

和葵軒焦廷用客中述懷

淮海重來共倡酬詩名久已播
神州雲開華岳三峯曉霜落吳江萬頃秋寶劍出匣飛
紫電彩毫落紙見銀鈎功名俯視輕如芥不
獨箕山一許由

次韻送郡博李先生致仕南歸

淮水淮山久入吟年來不覺二毛侵棘園主
考當年事芹泮辭榮此日心匣裡青萍三尺
劍囊中綠綺一張琴從今分手天南北始信
離愁海樣深

挽戶部員外孫義祖父顯

六十餘年一布韋移家

帝里近清輝憐兒不娶今尤少結友同居古亦
稀高義定應書國史佳名留得播京畿賢孫
已拜推

息典朝退追思淚濕衣

甲午致仕後述懷

得徜徉處且徜徉不向紅塵兩脚忙簾外雨
添芳草綠案頭風送好花香騷人適興詩千
首詞客陶情酒百觴却笑伏波綠底事據鞍

猶逞老來狂

次韻贈致政張宗器司訓

芹宮振鐸幾經年歸去囊存舊響泉文字迥
超東漢上聲詩直造盛唐前半窓明月添清
興一榻閑雲伴醉眠莫道歲寒殊寂寞老梅
枝上得春先

梅雪軒為鍊師焦惟一賦

塵寰誰識鹿皮翁梅雪相親氣味同窓外暗
香浮夜月簾前飛絮舞天風羅浮清夢驚初
破郢國新詞和最工自是仙家超物表玉壺

琪樹影重重

挽郝宗德用鄒克和八句韻

抱疾經旬不出門捲衣升屋處招覓眼前故
友幾人在身後美名千古存南陌看花閑短
屐西湖邀月冷芳尊最憐難弟情尤切點點
麻衣見淚痕

賀倉使張朝用得子

今日君家載弄璋曾看黃色上清楊生來乳
鳳丹山畔產出神駒渥水傍從此有人承祀
事寧愁無嗣繼書香已知英物何須試准步

青雲被

寵光

送嚴正學還金陵

楚甸重來續舊盟，扶書又復上南京。
晨開祖帳臨淮浦，夜泊孤舟在客程。
水色遠涵鷗鷺渚，山光半落鳳皇城。
酒醒兩地懷人處，厭聽寒砧搗月明。

挽鄒雲漢父

處世優游幾十年，冠裳楚楚雪盈顛。
不緣積善根源厚，那得承家胤嗣賢。
數着殘棋閒石

上一壺芳醕，冷花前神遊杳杳，知何處三尺新墳夕照邊。

重九次韻寫懷

漸覺霜華兩鬢侵，今逢重九共登臨。
因拋擾擾百年事，得遂休休一片心。
對景狂吟詩句險，放懷痛飲酒杯深。
莫嫌老大猶隨俗，笑折黃花倩客簪。

贈安東大尹陳君讓

戒石亭巢鳩

名題黃甲邁同流，暫試牛刀治行優。
百里清風淮甸曉，一輪明月海天秋。
岐山覽德來威

鳳戒石營巢有瑞鳩指日
天書下丹闕肯教卓茂久淹留

挽淮郡推府虞君

蚤登胄監應時需釋褐承

恩下玉除佐政能持三尺法立身不負五車書
已歸泉壤心無愧未盡消埃恨有餘今日載
棺歸故里淮民誰不為歎歎

繼陶為淮郡夏同知致仕賦

盛世投簪髮未絲心期元亮若為知柳當戶
外春長在菊滿籬邊秋正宜過雨閒雲歸遠

岫投林倦鳥息高枝尋常不入東林社林酒
頻傾祗賦詩

友蘭為江陰王逸士賦

不愛紛紛桃李場托交九畹異尋常猗猗曾
結高人珮冉冉還同鄭國香契合自然忘爾
汝情真應不變炎涼瑤琴一曲彈初罷又引
壺觴入醉鄉

駐春軒為廬州衛鎮撫徐君題

春到軒楹物候新留連多為座中人穠花倚
檻張紅幄芳草當堦展綠茵堦角柳濃鶯坐

久池頭泥軟燕來頻開樽相對情相洽絕勝
尋芳泗水濱

送倉使張朝用任滿之京

宦途相見即相知文采翩翩杜牧之嶺海壯
遊三尺劍乾坤清氣一編詩忽聞江上歌桃
葉忍向堤邊折柳枝此去

虞廷拜新命九秋鵬鶚正當時

次韻題金揮使良臣平湖懶棹

萬頃波光宿霧收蘭橈隨處任夷猶柳深曲
岸聞黃鳥草軟芳洲卧白鷗擊楫歌殘淮浦

晚推蓬吟徹楚天秋濟川有志人知否不是
虛遊泛泛舟

次韻贈達上人棄釋入道

衲掛祇園淮水邊翻然改轍慕長年仙經令
尹關前授真訣安期海上傳二氣結時成大
藥一元混處是先天功成八極神遊日却咲
廬山種白蓮

滌塵亭為金揮使賦

數椽如蓋俯清漪不向春風說浴沂欲使眼
前無障翳遂令心上有光輝筵蒲底用庖中

扇塵尾何須座上揮到此迥超羣物表滄浪
一曲賞音稀

邀月軒為同衛陳千戶題

金龜不惜換香醪對酌誰堪慰寂寥
屏翳致辭通海嶠纖阿引轡上雲霄
清光倒浸情相洽皓魄高懸興轉饒
莫道倚闌容易別更期歡賞在明宵

次韻贈觀音寺鏡寬上人

空門不受一塵侵月印千江是道心
能操沒絃琴上曲慣吹無孔笛中音
掃開漠漠迷途

遠眺出茫茫劫海深肯許淵明同結社
籃輿日日過東林

梅月軒為蔣思仁詠

天與幽香邁等倫姮娥相憶御冰輪
霜華結就巖頭曉雪色漆成湖上春
皓魄慣親餐玉士清光偏燭弄珠人
纖塵不到孤高處惟許逋仙可作隣

杏林深處為吳廷貢賦

獨愛淮南處士家活人陰德浩無涯
一林偏得長生地滿樹都開不老花
風暖簾前凝絳

雪雨晴簷外護香霞只疑碎錦坊前過冉冉
光風見物華

次韻送毛時輝兼柬張天錫

江漢焉能實漏卮老懷寧為世情移霜侵兩
鬢我歸日風正一帆君去時錦軸題詩揮彩
翰玉壺沽酒繫青絲到家想見張天錫為借
清波洗惡詩

錦香亭次韻為揮使王廷瑞題

浪說根頭有莫耶天然風景一仙家擎來翠
蓋亭亭葉露出紅妝朵朵花濯錦江邊開宿
霧浣紗溪上炫晴霞倚闌清賞忘歸去詩興
重添酒興賒

友竹為吳文顯作

歲晚相親不變更雞壇曾與定交盟月鋪堦
下金刀影風送林間玉珮聲勁節亭亭無俗
態虚心納納有高情由来契合應無間雅稱
平生君子名

和荅呂景儒見贈韻

文豹今窺見一斑未容解組便歸閒宵中韜
略龍蛇陣天上風雲虎豹關詩律已聞傳海

宇銘文未擬勒燕山相逢淮甸情偏洽傾倒襟懷笑詠間

咏牡丹用中峯梅花詩韻

畫闌開處見丰神未許黃荃擅寫真一種靈根緣得地十分嬌態最宜人太真粉面初酣酒西子霞綃不染塵莫道繁華易零落年年曾占洛陽春

和荅金太守先生示子赦後韻

由來天道本無偏一斥南荒幸得還紫鳳啣書來闕下紅雲捧日出天邊餘生正喜

恩如海老拙寧愁雪滿顛感荷新詩有深意雍雍風雅盛唐前

送包永昌先生涑州依住

淮海交游五十年分携無柰雪盈顛孤雲迥隔閩南路明月今隨薊北船豈有虞卿雙白壁惟存子敬一青氈欲知此後思君意長在涑河樹色邊

壽歲為致政憲副太原韓公賦

解組歸來涑水湄預成靈室待期頤襟懷曠達陶元亮文彩風流杜牧之半世功名良史

載一生忠義

聖君知風輕雲淡尋芳日笑領兒孫讀墓碑

次韻送包先生涑州依親二首

詩壇倡和每相親此日長亭送遠人孤鶩落
霞淮浦晚新鶯細柳潞河春風雲落落淹雙
足天地茫茫老一身兩地月明秋水隔重尋
舊約悵無因

此行何日復相親垂老雞壇少一人詩酒空
閒滄海月鶯花辜負故園春無兒能紹三餘
業有弟堪依百歲身涑水年年飛候雁莫言

書札寄無因

巖懶菴以詩見寄和韻復之

懷抱何時得放寬新春不復共君懽梅消殘
雪含微暖柳帶晴烟散薄寒短札久踈慙獨
懶好詩頻寄和皆難停雲幾度空惆悵縮地
無由一問安

壽至八十述懷

八十年来望已過蕭蕭兩鬢未全皓但知身
世渾如夢不覺光陰疾似梭祖職猥承恒恐
墜

君恩深沐敢難磨
歸休林下雖云老
歌咏皇風樂自多

送莊有儀先生歸吳中

一樽湖上送輕航
誰識嚴陵本姓莊
在對景苦吟詩句險
還家不厭客途長
數行鴈影雲邊度
幾樹梅花雪裏香
此去重來在何日
海天明月共茫茫

野軒二首

輕裘肥馬軟紅香
得似幽栖世慮忘
屋角風和喧鳥雀
隴頭日暮下牛羊
已無皂蓋來荒

徑惟有青山補短牆
幸際昇平無可報
考槃林下頌

堯湯

結茅林壑幾經年
一片閑雲隔市廛
幾處農耕春雨後
數聲牧唱夕陽邊
柴門流水心應遠
竹徑通村地自偏
獨有溪南舊知己
携壺同樂醉中天

綉鞋代淮士李廷璽賦

幾日深閨刺綉忙
着來偏稱踏春陽
一鈎鞵襯鴉頭小
三寸弓彎鳳嘴長
行處最便芳草

軟脫時猶帶落花香
筵前若得為杯飲
咲領風流入醉鄉

客邸牽情為莊廷輝題

曾入人間小洞天
玉人情重故留連
香生夜月鮫綃帳
花簇春風玳瑁筵
玉樹新聲歌宛轉
翠盤嬌態舞蹁跹
誰知一別音書杳
孤館殘燈思惘然

感興

屈指光陰八十年
鏡中兩鬢雪紛然
應無實德堪人重
豈有佳名與世傳
自許存心還似

舊却嗟行步不如前
新詩賦就無人和
擊節高歌樂自偏

自賦生挽

何須卜地問青烏
義命能安是坦途
千載不為歸表鶴
百年終作首丘狐
休官陶令詩先挽
荷鍾劉伶意不拘
到底浮休無一事
清風明月滿寰區

章江別意卷為濮千兵題

豫章風颺錦帆輕
冠蓋紛紛擁使旌
酒到別時心易醉
詩逢險處句難成
一江烟水連天

去西岸雲山送客行
歸向轅門應有問兵民
皆頌轉輸平

和寄杭州前衛致仕戶侯吳東升

清時無意覓封侯
解組歸來兩鬢秋
妙略曾經黃石授
高風今伴赤松遊
筆揮草聖驚群目
詩就吟壇出一頭
我亦投閑卧林壑
離情長逐水東流

重九寫懷奉鄉教石聘之

佳辰無意去登高
詩就銀箋走兔毫
白髮不堪增老態
黃花聊可泛香醪
昔年喜佩新磨

劍今日羞看舊戰袍
識得乾坤有元會
眼前誰復是人豪

知足軒為湯公子量美題

英雄回首幾星周
知足何曾分外求
舊日陰符藏篋內
當年神劍掛床頭
牢籠風月詩千首
俯仰乾坤酒一甌
從此不干塵世事
東山高卧若為儔

述懷

自信平生是韞材
壯心未老已先灰
雖云林下無塵到
却訝門前少客來
酒熟小槽何用

買詩成拙稿不須裁育中滿貯天游樂坐對
南山咏有臺

幽隱軒為成德明賦

紫陌無心振珮珂自甘終老卧烟蘿肯教詞
客移文誚惟許高人問字過塔下雨晴苔色
淨簷前風暖鳥聲和却憐擾擾紅塵者誰識
林泉雅趣多

贈蔣思仁

文采翩翩邁等夷名家裔出蔣之奇濟生久
蘊軒岐術遣興常吟李杜詩渥水神駒今日


見藍田玉璞幾人知由來顯晦何須較秋菊
春蘭各有時

南窓為蘇志道賦其人善樂府

向離開牖納晴光草色含青綬帶長愛日到
時能布暖薰風來處自生涼偏宜刻燭題詩
句雅稱揮毫寫樂章向夜懷人清不寐梅花
橫影暗飛香

送吳君彥福歸武昌

忍攀踈柳贈君行勢利無干去就輕把酒莫
辭今日醉題詩不盡故人情斷雲收雨江村



P71

晚遠樹含烟客路晴想到武昌應有問一官
歸老負

皇明

弘治辛亥年八十二感懷奉鄉教田

先生

不覺浮生邁八旬勞勞贏得鬢如銀敢言吐
氣冲霄漢徒想吟詩泣鬼神縱步寰中雖有
迹拂衣林下却無塵翻思舊日交游者屈指
于今有幾人
襪線集卷之一

滴虛簷夜正是懷人不寐時

陶穀郵亭圖

郵亭解后晚粧妍撥盡琵琶燭影邊何似玉
堂清漏永紫薇花上月嬋娟

途中即景

百丈牽舡日未西雨晴沙岸淨無泥柳絲不
動春風軟野鳥關關向客啼

金臺九日思親

九日登高在

帝鄉白雲南望思茫茫慈闈迥隔三千里誰採

黃花獻壽觴

送友人劉編南行

時景泰元年春

潞河新漲雨初晴
客裡那堪送客行
回首風塵猶未息
天涯此別最傷情

客邸冬日

雪壓關河凍未開
陽春何日到枯荻
相親惟有爐中火
煖氣烘烘撲面來

奉金宗潤太守求紙帳

剡藤十幅瑩無瑕
叨惠何時得拜嘉
一榻流塵寒夜永
久無清夢到梅花

中秋思親

可憐今夕又中秋
對月重添客裡愁
身在廣陽家在楚
何時能慰倚門憂

送別圖為陳文實題 善寫梅

一樽傾瀉重分携
秋盡江南木葉飛
惟有梅花心似鐵
春風滿面待君歸

彭城燕子樓

獨秉旌旄據上游
綺筵曾被彩雲留
空令過客悲陳迹
不見春風燕子樓

畫景

雲鎖溪南路不通小橋流水落花紅仙家樓閣無多遠只在前山紫翠中

途中即事

新烟着柳沿堤岍疎雨隨風落淺沙今夜漕舟何處泊一燈相對正思家

思親二首

鎮日思親淚不乾異鄉何處可凭欄一緘但得南來信毋若安時子亦安
舟泊官河日暮時蓬窓寥落雨絲絲遙思今夜慈闈裡老母燈前正憶兒

題畫

春風偏屬浣花溪竹樹陰陰鳥亂啼可是杜陵詩思好蹇驢馱過小橋西

游紫霄宮

仙家只在淮城內芝草琅玕映碧苔香滿洞天春似海更從何處覓蓬萊

即事二首

楊柳樓前春酒香雙鬟當爐喚客嘗揮金不惜買一醉梨花月墮西家墻

梨花落盡夜來雲春色今朝瘦幾分玉筍已

裁三百字憑誰傳與問東君

集杜句即事

景非吾土倦登樓朝夕催人自白頭藥裹關
心詩總廢春來花鳥莫深愁
人生七十古來稀老大悲傷未拂衣心折此
時無一寸故鄉猶恐未同歸
自笑狂夫老更狂有時顛倒著衣裳魚吹細
浪搖歌扇暫醉佳人錦瑟傍
老去悲秋強自寬衰顏欲付紫金丹無邊落
木蕭蕭下信是人間行路難

枯木竹石圖

我家舊宅弁山西老樹連陰傍石溪一自別
來消息杳新詩誰向竹間題

竹石圖為劉良醫題

一拳蒼玉出天然移近

王門雨露邊翠竹碧梧相掩映不同凡石老雲
烟

閱周用珎詩稿有感

故人不見已三年絮酒無由真墓前留得好
詩猶在篋一番展誦一潸然

和荅吳興致仕王僉憲先生

天上歸來對酒歌
同年人物半消磨
但令松菊全無恙
不管人間事若何

陽春白雪古來歌
愧我徒將鐵硯磨
况復年來清興減
空勞尺牘問如何

雲水清游為全真楊道士題

身隨雲水共悠悠
不似人間汗漫游
拾得玄珠大如粟
咲騎黃鶴上瀛洲

奉挽秦州王禮莊先生

病中聞訃最心酸
卧擁衾裯淚不乾
淮海詩

人零落盡苦吟誰
伴月光寒

曾携書劍寓淮陰
我忝忘年義最深
文采風流今不見
蕭蕭寒日下疎林

高蹈丘園八十年
功名不著祖生鞭
奚囊遺草虹光爛
誰與先生次第編

金臺中秋

年年此日寓京都
虛負花前酒一壺
縱是碧天明月好
清光不憚客心孤

述懷

風流不似少年時
對酒看花便有詩
今日豈

知成老大秋風吹亂髮邊絲

過濟寧舊遊口號

泗源新水溢長川斷送年光去不還惟有當時贈行處柳條頻折尚依然

奚元啓物故賦此悼之

去年京國題詩別今日重來不見君旅櫬已歸成永別不禁清淚落紛紛

漁

一竿隨意釣溪頭但得鮮鱗便可休不似軟紅香裡客愛騎肥馬羨輕裘

次韻送楊總兵致政歸沅州

辭老非關世道難青山佳處草堂寬自家意思知多少綠繞清溪竹萬竿
人生際遇古今難愧我偏承禮數寬從此津亭攀別後也應回首弄漁竿

冬雪

滕神剪水作冰雪紛紛亂飄端木葉凝華積素亦何多壓我堦前竹枝折

懷總戎楊公

記得相從幕府時轉輸纜服便談詩如今解

組婦沆芷雲冷江空不盡思

挽致仕訓導沐陽孫景昌

童稚相親筆硯間
蟾宮仙桂讓君攀
臯比勇撤歸來日
門掩春風教鐸閑
年來我亦解塵纒
擬向潼川續舊盟
無奈歲舟移夜壑
一思風度一吞聲

美人畫

香泉浴罷鬢雲偏
疊雪輕纏一辨蓮
誰信隔簾偷眼處
却教侍女得金錢
右溫泉出浴
雙蝶飛來最惱人
停針無語暗傷春
新愁漸

厭娥眉重故向堦前一欠伸
右榜床遺悶

病起即景

病起徐徐步綠苔
春風蘼見菜花開
不知蝴蝶誰相引
飛過小園墻內來

同后宗德遊西湖

三十年前此地遊
湖中魚鳥識風流
于今老去情多感
岼柳汀花咲白頭

瓶梅為金揮使題

折得寒香雪正晴
膽瓶斜插不勝清
夜深相對銀缸畔
恍若孤山月下行

總戎楊公卒既挽一律復成此一絕
公暇延賓禮數寬咲談尊俎總儒冠于今追
憶情難盡兩袖斑斑淚不乾

寄錦衣衛戶侯吳孟瑄

早向侯門識俊英雞壇曾結歲寒盟
秋風江上懷人處欲采芙蓉寄遠情

寄程顧二內翰

衰年多病卧江鄉門掩閑雲舊草堂
却憶故人霄漢上揮毫日日近

清光

雨洗荷塵喜而賦此

乞得衰年一病身靜觀物理自怡神
堦前幾陣黃梅雨洗去新荷葉上塵

讀連帥王一寧建橐集有感

窮荒鏖戰日斜時力盡孤軍竟不支
留得精忠懸日月九重賴有

聖君知

畫景為公子楊傲題

山寺鐘聲送落霞客舟晚泊近鷗沙
江頭惟有漁歸路不見青帘賣酒家

代題竹贈大尹

製錦堂前玉一枝青青不改歲寒姿
老來須藉扶持力只恐風雷化葛陂

畫扇梅

冰姿誰寫入齊紈墨染龍香濕未乾
當暑頻揮踈影動逼人清氣自生寒

畫鵲和庠士祝士奇韻

羽毛文采絢朝暉常在春風上苑飛
不似當年明月夜絳枝三匝嘆無依

妓女圖為金揮使題

酒酣花底按銀箏滿座香風舞袖輕
宴罷明珠履散彩雲猶繞艷歌聲

題沈惟忠墨竹

移得瀟湘玉數竿青鸞和月下
陰壇歲寒能保冰霜節莫作尋常草木看

白頭翁畫

拂羽飛來志已酬上林深處久淹留
光風滿眼春如海不向

明時嘆白頭

紙帳梅

數幅溪藤絕點瑕夜深扶夢到仙家一聲翠
羽喚春醒殘月滿身香影斜

扇景

水村烟樹裊青蘿何處幽人載酒過莫放蘭
舟成遠涉長江日暮有風波

漁笛圖

扁舟罷釣艤沙汀誰識烟波有客星一曲清
商山月冷魚龍應在水中聽

題畫贈管應暉舉人

高人卜築臨溪水風送書聲隔岸聞一自飛

騰霄漢上草堂空鎖半窓雲

扇竹

倚石亭亭玉數竿高標誰寫入齊紈分明帶
得瀟湘意散作人間六月寒

子瞻赤壁圖

江空木落夜寥寥堪笑曹瞞列戰艘兵甲已
隨烟燼滅獨留風月伴詩豪

題畫

載酒尋芳日未斜溪頭烟水露鷗沙不知誰
遣春歸去落盡橋南幾樹花

畫梅為張揮使賦

仙姿綽約玉無瑕
誤落羅浮賣酒家
翠羽啼殘清夢覺
一天寒月浸冰花

題竹為成德明

雲盡湘江秋月孤
金刀落影翠模糊
夜深鳳鳥飛來處
踏碎滿林清露珠

牧牛圖

花滿園林春正妍
一犁初謝雨餘天
叮嚀須飽溪邊草
來日還耕谷口田

二喬圖

雙娥國色自天然
共倚挑笙話昔年
風火不成江上捷
鄴宮春恨正綿綿

橫笛仕女圖

女伴相邀輟繡床
芭蕉叢畔午陰涼
笛中翻出關雎調
不似涼州舊樂章

范蠡歸湖圖

平吳霸越遂雄圖
拂袖歸來是丈夫
醉卧五湖烟艇上
從教人說釣魚徒

懸崖梅為孫廷華題

顛崖千尺玉龍懸
頷下驪珠顆顆圓
寄語山

靈湏愛護恐隨雷雨上青天

遊維揚瓊花觀

行宮無跡見繁華獨有仙家歲月賒
留得舊時風景在玉簫吹月醉瓊花

奉挽鎮守臨清平江侯陳公

才全文武位三台三鎮清泉奉

勅來何事坤維天柱折九重應動

聖君哀

計音忽報大星沉淚洒長淮痛不禁
曾是平原門下客感息何日鑄黃金

賤名曾玷奏書中知己息深獨有公
空賦楚招招不返蕭蕭大樹起悲風

書河南大梁驛壁

窮源未得返仙槎淮海東頭是我家
孤負舊時吟賞處薰風吹老蜀葵花

聞維揚郭叔安計音

別離未久計音來壁隕珠沉事可哀
詞翰留傳淮海上士林誰不惜遺才

寄吳興半隱唐維勤先生

夢覺邯鄲萬事空從今應不羨冥鴻
置身已

在休閒地一任東華踏軟紅

湘江烟雨圖為戚里張揮使題

誰將墨汁倒金壺寫得閑情入畫圖彷彿推
篷湘水上滿林烟雨翠模糊

和寄致仕僉憲王先生

誰似先生齒德兼秋霜兩鬢鏡中添自家意
思知多少草滿庭堦翠入簾
老去寧思將相兼博山香冷火重添誰知愛
物心猶在燕子飛來不下簾

題李白醉歸圖

一樽花底醉芳春歸去從教月滿身恠底兒
童爭拍手風流誰識謫仙人

昭君出塞圖為蔡以行題

便學胡粧出鳳城漢庭宮女莫相輕琵琶聲
裡烟塵息絕勝防秋十萬兵

題通州錢尹德扇景

冉冉斜陽下西嶺便應收却釣鰲竿不知何
事歸來晚帶得滿簑烟雨寒

致仕口號

遨遊江海已多年贏得蕭蕭雪滿顛今日落

帆回首處風波多少未歸舡
四十三年如一夢深慚竊祿負

君恩如今歸老淮江上閑看飛花獨倚門

即事

衰年懶出戶常扃簾捲春風草色青自是平生心愛物撥開蛛網放蜻蜓

畫景

青雲不似白雲閑惟許僧家占好山乞食歸來村徑晚杖挑明月到松關

愛竹軒為蔣守正賦

四簷晴護綠陰濃朝夕相看意萬重只恐春來奮頭角一天雷雨化飛龍

松頭穿破雲為中書顧宗道題

獨愛徂徠山色青秀鍾靈物自崢嶸幾番飛出雲頭上帶得滿天風雨聲

石面迸出水

漠漠烟光四面開杖藜扶醉踏蒼苔不知誰鑿崑崙骨千尺玉龍飛下來

宿遷道中風雨傷麥賦此

清和時節冷颼颼風捲長河雨未收二麥有

花皆落盡黃雲千頃不成秋

子牙垂釣圖

獨向蟠溪把釣鈞
天遺賢佐為興周
非熊不入當時夢
烟水沙鷗笑白頭

造趣亭十二詠為平江總戎賦

葵心向日

直榦亭亭迥異常
肯隨桃李媚春光
畫闌干外薰風動
一點丹心向太陽

槐影屯雲

先世高槐手自栽
綠陰常日蔭亭臺
雖當三

伏渾無暑彷彿濃雲載雨來

雨中春樹

繞園嘉木近千章
好雨當春為發揚
淮海兵民思惠政
定應珍重比甘棠

雪裏寒梅

相依曾結歲寒盟
梅正開時雪未晴
只為有根通造化
百花頭上占魁名

桂散天香

秋到亭前香靄衣
纍纍金粟正芳菲
只疑朝罷通明殿
帶得爐烟兩袖歸

菊存晚節

花吐名園秋正芳
輕紅淡白間深黃
生平獨抱堅貞操
一任西風滿地霜

松邊引鶴

漕府歸來欲放懷
松陰誰伴踏蒼苔
裁書寄與浮丘伯
借得蓬壺一鶴來

柳下觀魚

半畝芳塘活水流
柳陰深處見沉浮
育中自得天然趣
絕勝濠梁舊日遊

竹徑行厨

嶰谷涼雲匝地垂
玉盤堆饌酒盈卮
茶烟飛出晴梢外
知是元戎款客時

蓮池釣具

岸畔薰風拂柳條
荷香深處倚輕舸
直釣聊作消閑具
不釣三山海上鰲

茶竈晴烟

採得先春活水煎
香生石鼎起新烟
松陰幾縷浮青靄
莫訝胎禽久不還

酒杯明月

玉觴獨泛草亭東
天上銀蟾落酒中
吸盡清

光三萬頃彩毫揮處有神工

紙帳梅花和莊有儀先生韻

家住西湖烟水東冰肌玉骨若為同翠禽莫
叫枝頭月人在寒香夢正中

題同衛陳千戶鑑溪山圖

幾家茅屋傍溪灣小艇無人盡日閑彷彿雲
川春雨後亂雲堆裡見青山

襪線集卷之二

襪線集卷之三

吳興史傑孟哲著

五言律

節孝徐先生祠

楚郡東郊外巍巍節孝祠古碑封舊蘚老樹
發新枝道學千年派文章百世師
聖朝崇祀典風化重民彝

鄭二尹永思堂卷

零落椿萱久悠然思獨長空餘三釜養欲斷
九迴腸夜枕猿啼月寒燈鴈度霜興懷多少

恨和淚掩虛堂

旅夜懷唐宗吉先生

鍾鼓報初更誰憐羈旅情短檠燈易滅孤枕
夢難成葉響驚天籟窓虛見月明故人淮水
上應念負詩盟

沐陽郭外訪侯克禮

公暇多幽興來尋處士家柳陰晴障日花氣
煖蒸霞地接青郊迥門臨小徑斜主人能愛
客汲水煮新茶

興濟夜泊

畫舫依官渡天空暮靄收遠鐘城外寺近火
水邊樓暝色連村暗波光帶月流誰將桓氏
笛吹起古今愁

遊邵氏園池次韻

公餘探勝境幽興浩無涯路轉疑盤谷溪迴
似浣花羽觴浮鴈蟻冰椀薦寒瓜詩罷中林
晚星河欲泛槎

畫景

潇洒溪亭上風清絕點埃水光青鏡展山色
畫圖開躡屐穿雲薄橫琴坐石苔小舟依岸

泊知是故人來

漕舟泊硯瓦淺觀黃良泉

維舟依柳岸閑步覓溪泉樹色幽深處山光
杳靄邊積來成巨浸分去入名川疏鑿知前
代觀碑一慨然

送鄉人歸茗溪

相逢未云久何事解蘭舟砧杵驚殘夢琴樽
憶舊游吳門紅樹晚茗水碧山秋春到多歸
鴈音書肯寄不

防秋即事

歲歲來邊郡防秋髡欲華地偏霜信早風急
鴈行斜鼓角悲長塞旌旗捲落霞何時平逆
虜雪恥報

皇家

時守通州子誠回淮賦此寄勉

爾去身應遠子思淚更多寄書今已達學業
近如何身世萍浮水光陰車下坡少年當奮
力切莫事蹉跎

揚州道中即景

已過孟城驛將經邵伯堤汀花臨水淨岸柳

繞湖齊宿鷺冲帆起
飢鷺向客啼從來耽野
趣呼筆寫新題

中秋舟次清源

烟樹中州地風帆衛水舡
故鄉千里隔明月十分圓
灝氣浮銀漢清光湛碧天
姮娥應笑我詩酒負今年

奚元啓先生過淮造予家留詩予自

江西回覽和荅之

一水接湖陰勞君放棹尋
久懸接轄意空負典衣心
匣卧青萍劍囊收綠綺
琴相思頻悵

望天濶暮雲深

踈雨散春陰君歸何處尋
吳山頻入夢淮月獨關心
空對盃中物誰聽膝上琴
西園曾有約莫待落花深

過東光縣

夜過東光縣人家兩岸多
秋風驚落木寒月浸微波
無柰年華去其如世道何
壯懷成不寐呼酒一高歌

漕府從事周用珣李希曾過余舍開
樽款洽次日周用杜工部詩韻作

詩見示遂和復之

才高驅二陸名重壓三支退食自公府行吟
到習池水深魚更樂花艷蝶先知宮錦裁新
服歸時月下披

一區楊子宅半畝謝家池痛飲澆塵俗狂吟
倒接羅鶯求遷樹友燕引出巢兒景物能留
客游觀盡日隨

上客聯塵至呼童掃白雲張華能博物李白
擅為文屋角青山繞橋頭綠水分歸期移晚
興柳影亂紛紛

游揚州觀音寺和沈僉事韻

崇岡開梵宇樹影漾晴波不許紅塵到曾經
翠輦過古碑荒蘚合幽徑落花多薄暮僧歸
室寒烟鎖薜蘿

寓庵為吳興沈用賓題

宦海波濤濶萍蹤任屢遷流年雙白鬢行李
一青氈夜雨黃茅屋春風錦繡筵所居皆分
定何必問蒼天

奉漕府委濬山東泉源成化二年閏

三月六日忽大雨次日五鼓止河

水驟添喜而賦此

一雨漲河流能浮萬斛舟計臺得深喜漕卒
散沈憂泉脉何須鑿陽侯豈用求由來天意
順端不在人謀

仲揮使母沈恭人挽詩

蚤歲達儒門賢聲繼少君相夫登顯仕教子
策殊勛

詰賜日邊錦衣裁天上雲潼川埋玉處高塚對
斜曛

過臨平鎮

已過長安驛青山落眼中沈光連市井樹色
隱禪宮門徑家家接溪流處處通撫髯詩興
發吟對夕陽紅

桐江道中即事

要路通閩越由來地勢雄水流平地下山擁
半天中汀草寒猶綠楓林秋正紅子陵臺下
過千載仰高風

嚴州舟中口號

彩鷁經行處雲開見驛亭一江寒水碧兩岸
曉山青漁艇依荒渚沙鷗過別汀相逢應笑

我何事鬢星星

挽蠖菴沈存讓先生 善隸書

文獻今寥落斯人重可悲心隨道俱隱身與
世相遺竹裡葺書屋花邊洗硯池誰知成永
訣無復共談詩

陸大本父挽詩

舊業東吳上移家淮水傍青年淹陸羽白髮
因馮唐塵世流光速泉臺幽夢長那堪聞笛
處清淚濕衣裳

觀泉圖

漆園稱傲吏辭聘亦何賢脫略人間事來看
石上泉心涵天地濶言寓古今玄留得名長
在逍遙物外仙

中秋泊武城河下與諸友賞月

絃歌東魯地夜泊木蘭舟天上十分月人間
一半秋涼颭侵白苧清影落金甌喜有江淮
客推蓬共唱酬

竹軒為王克明題

一軒惟種竹滿洒絕塵氛滿地落蒼雪四簷
浮綠雲風來香細絳月上影紛紛幾度歌淇

澳凭闌酒半醺

題歸耕圖

勘破邯鄲夢歸耕壟畝間一犁春雨足幾片
晚雲閑鳥雀簷前下牛羊門外還熙熙天壤
內任爾鬚毛斑

寄東魯蔣禧永

號月坡

高士相違久停雲思有餘深藏三尺劍不寄
一緘書夜月坡前酒春風花外車優游天壤
內此樂許誰知

病起偶成

病體瘦如削頻移革帶寬年華雙鬚短愁緒
兩眉攢世態皆趨熱交盟獨易寒投簪在何
日拊髀一長嘆

同諸友遊淮陰龍興寺

載酒遊蘭若渾無俗慮興峻嶒阿育塔燦爛
藥師燈花雨飛千點香烟裊百層不須誇雪
夜剡水興堪乘

華嚴開勝會金榜揭龍興苦海橫慈筏迷途
懸智燈布圍金片片射鼓鐵層層寄語叅方
者須明大小乘

送經衛韓君守制歸定海

計報萱花殞匆匆解印歸野猿啼落日山鳥
怨斜暉觸目雲連海傷心淚濕衣服終期報
國忠孝兩無違

甲午歲秋九月初度日寫懷

年光逾耳順漸覺老相侵已歛英雄志全無
少壯心澗松含晚翠籬菊點秋金何事堪消
遣詩成次第吟

挽韓經歷父句容大尹

鄉闈登上第赤縣著徽音慣著王喬舄能彈

子賤琴除奸張國法禱雨裕天心此日人何
在松楸鎖夕陰

遊西湖梁氏花園

艤棹西湖上尋芳何處宜柳塘風淡淡花塢
日遲遲浪蝶迷新蕊幽禽戀故枝頓令清興
發呼筆一題詩

成化甲午冬十月三日雪

三農顛望久今喜六花飄宿麥根偏潤遺蝗
孽盡消郢中歌古調刻曲放輕橈掃取烹佳
茗清風動沈寥

題陸汝高湖亭一覽卷

高人愛竒勝湖上結茅亭遠水一泓碧遙山
幾點青客帆依柳岬漁網集沙汀自覺襟懷
濶晴窓晝不扃

泗水縣泉林寺觀泉

泗源何處是烟樹翠微邊誰鑿山中石分來
地底泉潺潺鳴巨壑漾漾入名川疏濬今來
此停驂一慨然

遊功德諸寺回馬上口占

暫脫塵中鞅名山訪老禪危峯青過雨止水

碧涵天梵刹高低見人家遠近連詩成歸路
晚斜日下山巔

寓金臺誕日寫懷

此日逢初度萍蹤在

帝鄉自憐貧魏勃誰識老馮唐故國家千里浮
生夢一場羈懷何處遣搔首對斜陽

病中辭平江總戎陳公名東陳周二

戶侯

深荷元戎意那堪病在床一官方得解百事
盡成忘豈有佳時略惟存却老方君居蓮幕

下為我達衷腸

挽戚里大河揮使張君母郭氏

戚里喪移天孀居四十年堅冰凝夜凝明月
湛寒泉淚落殘燈下心懸孤塚邊良人會相
問子已繼貂蟬

聞胡寇也先被滅賦此

太陰犯昴宿胡命竟如何只擬常窺塞誰知
自倒戈妖氛千里淨春氣萬方和永罷防邊
後

皇圖億載過

挽王舍人

一夢隔紅塵鶯花怨暮春無由重會面從此
永傷神三楚遨遊客五陵豪邁人泉鄉應瞑
目有子薦溪蘋

送客歸孟城

文游臺上客解后遇山陽科斗鐫山骨龍蛇
走麦光乾坤雙蠟屐風月一詩囊歸去莫雌
伏雄飛當自強

病中寫懷

光陰催暮景對此獨傷神逆旅百年客浮生

多病人却慚書籍遠偏與藥囊親寂寞無來
客頻添榻上塵

志雲方先生物故賦此挽之

典教侯門久年華七十餘一心存正道滿腹
貯遺書繞見判詩集俄聞玩玉魚兩行知已
淚惆悵濕衣裾

水月亭為徐克明題

一室臨湖上纖阿出海東寒光涵兔魄秋影
浸蛟宮簾捲空明際窈窕開蕩漾中此身超物
表無意羨冥鴻

次韻題金山寺圖

宦遊經此地乘興一躋攀江水淨鋪練鰲峰
翠擁鬟海門初日上石洞晚雲還獨有緇衣
者年年方外閒

中秋寫懷

最愛天邊月團團海上來清光盈宇宙大地
絕塵埃世事何時了愁懷此日開姮娥應笑
我久矣別蓬萊

觀史有感

世道乃如此人才知不知是非顛倒日清濁

混淆時政事相推托私心各護持當時忠義者舉世笑愚痴

題史廷直蝸殼軒

一室類蝸殼幽栖野性偏明時甘縮首靜處免流涎宛轉無多地徜徉自一天笑他蠻觸氏爭戰動戈鋌

襪線集卷之三

襪線集卷之四

吳興史儵孟哲著

五言絕句

寄兗州蔣禧永

兩地無千里柔腸日幾回何時同一咲花底醉金壘

梁鄉即事

漕舟鱣梁鄉水落沙嘴露何處人語喧婦人晚爭渡

過戶侯張士忠別業有感

昔年游此地今日重傷神寂寞誰為主林塘
空復春

經宿遷縣

山勢北來斷水流東去長人家依兩岬風景
似江鄉

過直沽

二水交流處官舟過直沽風雲開霽色西北
是

清都

悼友人致仕戶侯陶廷璽

死別情何慘寥寥隔九原那堪垂老日
賦招魂

思親

報

國寓長安思親欲去難可憐衣袖上清泪不
曾乾

庠士曹廷儀索賦姑蘇寶林寺十景

橋橫蟠螭

昔日曾遊地虹霓跨水長分明開覺路誰識
是津梁

亭瞰漣漪

一亭瞰止水那有俗塵通彷彿曹溪上清光
映碧空

鶴遊松徑

不學乘軒者來從方外遊松花飄滿地風露
一天秋

鹿隱蕉窓

獻花初罷處歛跡卧窓前此意非蕉夢世人
休浪傳

寶林福地

珠光明寶地臺殿碧崔嵬試問維摩詰優曇
幾度開

玉井甘泉

玉甃通泉脉空涵一鏡圓流來齋鉢遠疑是
蜀岡前

茶屏翠色

種植當禪室編來足可跨紅塵飛不到一片
碧雲遮

梧院清陰

十笏庵前地萋萋綠葉齊涼陰除熱惱不獨

鳳來栖

方塘浸月

鑿透地中脉撥開天上陰團團印孤影即此
是禪心

壽塢藏春

悟得真如性還拋假合身預為藏斂處萬古
是長春

九日友人送菊有感

餽我一株菊相看動所思故園秋色老何日
是歸期

花鳥圖

曙色上簾櫳露濕花枝重好鳥莫頻啼驚破
春閨夢

奉志雲方先生

一冬寒凜冽况復病纏綿空憶談經處無能
到席前

題琴碁書畫美人圖

暗香浮動處小玉折來看三弄琴中調如何
却倦彈

一枰收黑白涼吹拂霞綃却憶中宵夢遼陽

萬里遙

內則看來遍風傳桂子香小娃知我意盥水
奉蘭湯

玩罷營丘筆芳春趣轉如玉塔間坐處汲水
看澆花

次彈琵琶韻

空江明月下應不過商船一曲琵琶恨人聽
值萬錢

榴花黃鸝

商庚枝上立不是戀紅芳為識平生意丹心

向太陽

海棠鳩鳥

莫道平生拙園林到處安朝來一犁雨應濟
四方乾

桃花鸚鵡

春滿玄都觀相依最有情且藏能語舌試向
上林鳴

碧桃畫眉

愛此碧桃樹春來雪滿枝山禽何嫵媚也學
畫雙眉

秋雨

一番秋雨過庭草添新綠却憶淮南人今秋
有餘粟

釣魚圖

罷釣收綸處維舟倚岸時水禽栖不定何事
苦相疑

襪線集卷之四

襪線集卷之五

吳興史傑孟哲著

五言排律

贈淮安太守丘公

乾坤開景運五緯聚奎纏維岳鍾神秀名邦
毓俊賢一經魁省試五馬荷

朝遷符受新分竹囊收舊坐毡福星臨楚甸華
月照淮川大樹斯民望能將

聖澤宣寸誠常捧日高節直參天足底春暄若
胸中氣浩然守廉無愧忤持法不斂偏強梗

遵條約曾著成語為條約化民疲瘵賴保全救荒心力破

下士禮容先壠畝觀耕耒閭閻設講筵謹刑

詳滯獄均賦驗公田萬井俱安業千村足晏

眠驂騮推絕足鷓鴣羨孤鶩不落籠黃後應

居邵杜前御屏書姓字嘉政頌詩篇夜雨寒

家屋春潮野渡舡佇者

宣室詔終棄廟堂權大展經綸志為霖濟八埏

賀大河衛揮使高君

昭代多才傑乘時出偉人挺身參幕府勦力

掃胡塵馬度居庸月旗翻瀚海春請纓能雪

恥貢勇絕無倫爵受

息光重功書汗簡頻狂瀾資砥柱國步賴誠臣

合計扶

黃屋傾心拱紫宸風雲千載遇日月一番新授

鉞臨淮甸推

息及海垠清風動寥廓宿霧散高旻籌策胸中

蘊封章

闕下陳公私無厚歛軍旅不憂貧武備時脩飭

瘡痍日撫巡崇文過卻穀濟物並純仁射虎

心尤壯攀

龍志已伸由來平獵狃終得畫麒麟頤備籠中
藥深慚席上珍一枝栖健翻斗水滯修鱗只
擬窮途士難充入幕賓賦詩歌盛烈再拜獻
平津

挽太僕寺卿仲公

居經歷時應經明行修薦授刑部主事累陞太僕

蚤歲游芹泮咸推德業成秋闈方擢第春榜
更題名

玉陛臚傳顯瓊林宴賜榮兩朝崇治化四海值
文明授職臨花縣叅謀肅衛兵行修膺刻薦
高步愜臺評俯仰心無愧平反政有成月涵

滄海白冰映玉壺清進級登三品承

恩位六卿秋空鷓鴣奮曉日鳳凰鳴功績追毛
仲才華邁士衡兵戎資戰伐昧北為蕃生白
髮憂民出丹衷向日傾趨朝承

寵渥名對入廷英解組辭榮祿歸田荷

聖情詩成頻走筆客至屢飛觥正擬躋眉壽那
知夢兩楹勳庸書史筆姓字上銘旌斜日原
頭暝愁雲郭外橫無由躬執紼悵望淚沾纓

七言古體

送萬公著之遼東

柳溪先生非凡流挾書今作淮南遊相逢一
笑坐明月清華吸盡杯中冽醉揮青錢寫瑤
箋詞源倒峽飛雲烟座中有客盡驚倒慨惜
光陰容易老李賀仙遊招不來世間誰復知
雄才興來拔劍為君舞餘子紛紛何足數明
朝分手各西東海天目斷孤飛鴻

奉使巡河至河南丁家道口

乘槎西遡黃河源垂楊兩岸籠青烟人家茅
屋傍河口遙遙草稗長竿懸民風隨處樂生
息二麥登場皆足食丁家路口物貨繁桃源

市上商人集考城古縣在何許樹色遙連數
十里枝頭幽鳥弄新晴雨足纔添二尺水汴
京遙遙有幾程河防猶存賈魯名此行了却
公家事盡舡載月歸淮城

天順七年三月三日漕舟至謝溝聞

忽陰風大作繼以大雪有感賦此
陰風捲地搖山岳千里居民盡駭愕豈知滕
六竊機權亂剪冰花滿空落可憐青帝寒無
光兩間生意如龜藏古未調燮賴真宰黎民
樂業歌時康

代和無題

青春走馬章臺時
淡烟着柳垂新枝
錦箏慣聽合歡調
烏絲醉寫嬉春詞
一簾花氣熏人
煖水滴銅龍
嫌夜短
燒殘絳蠟
擁盤螭
壁月不隨人意轉
關情又作紅亭別
杜宇啼殘枝上血
遠水遙岑隔楚雲
九曲柔腸愁欲絕
燕子樓空為誰守
千古香名播人口
才情國色兩相宜
天意由来亦非偶
山童海塞舊時盟
流光如水東南傾
頻看錦字發長嘆
泪痕點點皆離情

贈長興樵樂吳先生

蒙山自昔鍾奇秀
奕葉名家見華冑
詩禮相傳衆所推
箕裘克紹誰能右

清時瀟洒林泉下
濟濟衣冠同洛社
座中談笑有名儒
門外往來無俗駕
絲絲鶴髮兩鬚新
襟懷磊落超前人
詩成陶謝應無敵
書法鍾王妙入神
群峰四壁青如削
境勝偏宜寓樵樂
穿雲林下拾枯薪
帶雨岩前採靈藥
興來膝上彈冰絃
悠然古調羲皇前
松風颯颯鳴幽壑
石竇潺潺瀉瀑泉
象賢有子多英異
文

彩翩翩邁時類萬卷深探泮水書一枝高折
蟾宮桂最喜家聲冠茗雪居仁游藝稱先達
捐金不獨助儒賢出粟尤能資困乏嗟君善
行乃如此愧我踈庸徒仰止佇看

丹詔表門庭千古

息光耀閭里

拙齋為淮安郡博陳先生題

龍坡老人非凡流深藏大巧猶鴟鳩漢陰抱
甕乃相契郢國運斤非所求安得天下盡如
此棘端刻猴亦自止風淳俗美樂熙熙置身

長在華胥裡

漁舟橫笛圖

江風不作江水平漁舟一葉依沙汀飛鳥去
盡暮天濶隔岸幾點遙山青興來痛飲一斗
酒醉把昭華橫在手數聲叫破海門秋長鯨
噴浪蛟龍吼

賞牡丹次祝士奇分韻地字

天際輕陰微雨霽百寶為闌護春意二片晴
霞映日酣數枝嬌態迎風媚騷人揮翰易成
吟賞客傳觴不辭醉由來貴重本無雙占斷

繁華歌舞地

五言選體

賞牡丹分韻得見字

靈根生將門國色匪徒絢不與羣卉同故為
東坡羨延賞集儒紳品題屬俊彥嗟呀宦途
人百年幾能見

送庠士顧存道京闈鄉試

卓哉郡城彥角藝趨南京秋風起天末健翻
搏雲程高折一枝桂遠播四海名
聖皇重儒術允矣登蓬瀛


諸葛孔明圖為蔡以行題

四海鼎沸中乾綱亦解紐涿郡起真龍扶持
賴君手出師清中原星沉大如斗允矣漢宗
臣忠誠垂不朽

成化八年秋九月七日同王文忠進

士遊淮城接待寺歸而賦此

衰年謝塵鞅拉友訪名利寶殿倚層霄祥雲
護周匝雖居城市間喧囂迥無雜風來松戶
涼雨過苔徑滑老衲煮茶留談禪意相洽頓
令心地清天光燁然發歸來興有餘銀蟾照



P₁

詩榻

挽大河衛周揮使

大化無停機萬物賴陶冶氣盡乃自衰豈有
長年者慨彼條侯裔風姿更儒雅世襲鎮淮
東競競不滿假部曲被恩多賓僚羨尤寡何
事玉樹摧颼風飛屋瓦丹穴失祥鸞天閑喪
良馬老我髡亦斑曾居清風下欲賦楚辭招
才華愧土苴一杯聊奠之傷心淚盈把

襪線集卷之五終



始有鳴齶伊吾意信懋爵於彼
而未發則敷貝於此者森於湧
其奇則公於此有筆筆不幸焉不
幸而遭於太平不能出奇以懋
功幸而遊於游筆硯則以其奇
者為茲集詩白文武吉甫萬
邦為憲予以為公之才頌韓昌
黎白維卒不施以昌其詩予

既以為公惜且以為慶焉

口治辛亥冬

賜進士出身翰林院

國史編修承事郎樂平程楷

正之題



題韞線集後

余生自永樂庚寅甫及七月不
幸先人見背時母於氏年二十
有四哀余早孤守節保養備嘗
苦辛八歲先祖昭信公遣從沐
陽梧軒仲先生學洪熙甲辰年
十五鎮守淮安漕運總兵官恭

襄侯陳公建言武職子孫宜入
儒學讀書習知禮法余遂入山
陽邑庠石司訓先生諄諄教之
又明年以例出習武藝每思二
先生之教頗能心領習武之暇
親士人蔡以行講論通鑑年二
十循例代祖職公餘輒與友人

唐宗吉講學宗吉勉以學詩資
稟遲鈍心雖嗜之而不能進也
時秦州禮莊王先生有詩名一
旦遇之同宗吉請其教先生曰
須熟讀唐音為本遵其體制聲
律充之以學問可也遂與宗吉
迺相切磋幾十餘年及予因公

歷涉中州督運糧餉正統己巳
胡虜犯順率漕卒入衛京師巡
守邊關往返道途公家之事靡
不日注於心凡觸意感懷多有
題咏雖老致仕而猶不輟日集
月累得五七言律古選并五七
言絕句若干首省菴太守金公

為之校正子誠懼其久而散失
遂至泯滅乃纂集鋟梓為久遠
計嗚呼余武人也素無學問積
習之工且才思踈淺非可曰詩
蓋平生好之萬樂之深者在此
詞之工拙不校也畢工遂書其
由於卷末仍命誠藏之篋笥以

示後之子孫知先世之志云
弘治辛亥夏四月初吉大河衛
致仕百戶吳興史傑題

時年八十又二也

